

李長吉昌谷集句解定本

昌谷別傳并注

田北湖

唐之中葉試詩取士一代學術惟以舉進士為業文苑  
儒林之人物亦因聲韻而傳如昌谷者早慧苦思獨標  
格調非有奇特之行誼足以經緯人倫羽翼治道也不  
過知名為累播弄于世俗之喜怒而不能掩其光采後  
人感其遭逢重其篇什又以錦囊狼藉之餘橫受投溷  
之恥爭相傳錄彰揚而評隲之附會于文人之事實彼  
所至不幸者卒賴毀譽之故表著姓字焉牧之義山既  
盡其私誼新舊唐書並為特立一傳後之好事者往往  
捫拾前聞補官私史乘之缺功在昌谷寧不甚偉予生

其後一千一百年矣去古已遠又何迷哉顧太和及今  
稱道昌谷者幾五十家多引刺譏資以品論文詞非驚  
荒誕即涉鄙俚其於若人之生平與夫當時之掌故果  
有當否未嘗考據之也寄家洛陽而曰隴西十八歲賦  
高軒過而曰七歲補官奉禮而曰協律因緣謠諑記載  
失實正史猶且不免至于牧之義山為同時並生之人  
習與游處檢知其生平屬在後死宜有直書者矣然而  
詞旨所託曲意以狀其奇悲痛身世之間而瑣屑者不  
暇具為叙列於是昌谷之真相愈不可得上下千餘年  
徒以耳食傳疑故神其說後生不察無微而亦信之予

乃博采故實明辨是非復刺取本集詞句作昌谷別傳  
不敢厚誣古人也更櫛比其字句以示所本焉

唐諸王孫李賀字長吉系出大鄭王房食祖于東都有南北園  
在宜陽南山中後人因其居地所在而稱之曰昌谷父晉肅邊  
上從事母夫人鄭姊嫁王氏有弟曰猶

本集金銅仙人辭漢歌序曰唐諸王孫李賀 唐封宗室有  
大小鄭王二房鄭惠王元懿出自高宗稱小鄭王房以別于  
孝王後也孝王亮出自太祖子孫多留東都且十世矣世稱  
賀居隴西大謨 自晉以來矜尚門第文人屬詞喜稱先代  
之地望非必土著云然李白生西蜀寄長安而自稱隴西成



紀人集中贈張大徹云隴西長吉推顏客昌谷篇云刺促成  
紀人李氏之言隴西在唐尤為通例若皇甫湜乃臨安人而  
集中仁和里雜序皇甫湜曰安定美人截黃綬正與此同杜  
牧作詩編序李商隱作小傳皆未詳其出籍後人遽執隴西  
成紀之句謬以隴西為斷意謂李固隴西之著姓唐皇諸孫  
尤當聚國族焉夫使賀居長安以西則其在京思家之句曰  
家山遠千里雲脚天東頭曰發報東門外曰今將下東道祭  
酒而別秦其自家詣京之句曰又將西適秦何東西顛倒之  
屢也憶昌谷山居曰犬書曾去洛鶴病悔遶秦其他秦洛對  
舉者且數數見凡云洛者指家而言云秦者指京而言也又

送弟之廬山曰洛郊無俎豆是其家在洛陽確無疑義世之  
讀詩者未嘗一留意耳昌谷不著于地書後人弗能詳其所  
在乃以隴西之誤連類並及不知集中語意盡指洛陽其標  
目曰自昌谷到洛後門可見昌谷固在洛後門外宋人稱其  
與女几山巔坂相承山即蘭香神女上昇家谷宋有隋之福  
昌宮按集中昌谷詩燒桂祀天几四句即指女几山神女事  
又曰故宮椒壁地即指隋之故宮南園詩曰宮北田塍曉氣  
侵是昌谷在宮北也王伯厚困學紀聞曰昌谷在河南福昌  
縣三鄉東張文潛有春遊昌谷訪長吉故居詩及福昌懷古  
一章專指長吉宅而言按福昌縣者唐改宜陽之名昌谷在

其北境間悲歌曰請賓宜陽一壺酒久客思歸念含鄉味故  
云宜陽焉 集中數稱南山後人以為泛詞不知即昌谷所  
在之地按隋書云福昌宮在洛陽南山蓋洛陽北境北邙  
雖其間而宜陽又在府南故稱南山集中南山田中行尤昌  
谷之證也 父名晉肅見韓愈詩碑及新舊唐書太平廣記  
作璿肅非是 云弟猶者集中示弟詩宋本題目多一猶字  
當即弟名他刻所無也徐渭長水從之 南園北園並在昌  
谷集中數見之

賀纖瘦通眉長指爪幼而能文手筆敏速長短之製名動京華  
當時工于詞者莫敢與齒張籍王建猶出其下

世稱智七歲賦高軒過千古傳為美談按高軒過序韓員外  
愈皇甫侍御湜見過因而命作証之史傳愈以元和初權知  
國子博士分司東都三歲為真改都官員外郎即拜河南令  
還遷職方員外郎又元和三年湜以陸渾尉應賢良方正能  
直言極諫科舉指陳時政之失為宰相李林甫所惡久之不  
調唐制監察侍御史多自京畿縣尉選拜湜由陸渾尉調御  
史當在擢第之後與愈遠員外同在元和三年是時賀生十  
八歲此篇之作決非七歲明矣賀以湜之介紹得往還于愈  
繼受薦舉辨其遺諱之誤篇末四句所謂秋蓬生風附鴻作  
龍云云意極顯明三人同在長安而愈湜皆自東都西擢故





稱之為東京才子非其故里可知後人不考愈從事跡又不  
解賀之語句徒以為奇才如賀宜有奇事因早慧之說從而  
牽強附會之謠謬相沿不可究詰至謂賀以歌詩謁愈其首  
篇雁門太守行乃其七歲以前之作盡情武斷尤足笑也冊  
府元龜曰李益長于歌詩德宗貞元末與宗人李賀齊名貞  
元末年賀方稚齒已列于當時作者謂其七歲能詩則可賦  
高軒過則不可夫早慧之士慧齡便能文詞古人亦多矣即  
以唐論張九齡七歲屬文韓昌黎自稱七歲屬詞劉晏八歲  
獻頌為太子正字楊彥伯楊炯皆在十歲以下擢童子科此  
其故實並見正史昌谷七歲能詩自不足怪特其序首篇尾

云云殊與時事不合近人王琦稍稍疑之特未証明其年歲  
予故亟亟輯正使讀詩者勿以其近而忽之致為古人所賣  
也且唐制童子科歲貢禮部一同明經舉人之例傳于開成  
末年賀生貞元猶未廢試既以幼慧知名又無仇家尼其行  
取薦舉不及必無是已

年未弱冠丁外艱憲宗改元方制科召試以居憂免舉而元稹  
對策第一拜左拾遺年少工篇什與白居易同為海內所宗賀  
故部之不願結交一日執轡造門以詩請謁賀攬刺不答遽令  
僕者謂曰明經擢第何事來看李賀稹無復致情慚憤而退  
賀死時母鄭夫人猶在堂太平廣記曰年未弱冠丁內艱常

是外報之誤 憲宗即位改元元和詔舉才識兼茂明于體  
用科達于吏理可使從政科時賀往來京洛雖有延舉韓愈  
亦權知國子博士分司東都實有公薦之權猶未及賀其以  
喪免無疑故父死時代必在元和以前

元和三年會開四科始與淳安皇甫湜同舉進士擔任禮部郎  
中偶嫌名避諱之說沮抑殊力諸爭名及忌賀者因交謗曰父  
名晉肅子不得舉進士且議其舉主韓愈湜曰若不明白子與  
賀且得罪愈為引經決事作諱辯一篇以示天下然亦心朽卒  
不就舉

元和三年科目凡四曰賢良方正能直言極諫科曰博通墳

興達于教化科曰軍謀宏達材任將帥科曰達于吏理可使  
從政科 云賀與湜同舉進士者當時風氣出身進士者終  
身為文人而爭名標榜之弊最盛其都會謂之舉場互相排  
敬謂之先輩俱捷謂之同年集中有官不來題皇甫湜先輩  
應薦中語句皆指六察官事湜已在御史臺矣賀曾與之同  
成被舉故稱湜為先輩 不避家諱之議發自元稹新舊唐  
書皆言之按元和五年春稹以御史貶江陵士曹留滯至十  
年其為禮部郎中當在元和三年賀於是年舉進士尤其確  
証 唐令薦士失察之罪與舉子連坐湜謂愈曰子與賀且  
得罪是愈為舉主也又唐制國子博士及京兆諸令皆得薦

舉元和三年愈方拜河南令賀為本部之才俊誼常上舉狀也集中贈陳商曰長安有男兒二十心朽自沮嫌疑之諱不再應進士舉恆有是語

又限于宗孫不許連擢之令未得納帖吏部與于選人之列鬱居長安三年餘無所求効元和七年春以文資簡試補太常寺奉禮郎墨組銅綬出直齋壇衙回閉門坐看白畫顧於禮節恥于臣妾意態往來貴遊諸子弟不及干謁之私選書無事惟治曲辭偶攝協律郎雲韶樂工頗傳誦其章句令之管絃進奉御座自以奉禮官卑負擔未脫欲譖禮樂干預教化致于帝王之道故其聲調清新刻意激發每假古人為題大都有為而作是

時德憲二代號稱小康黃洞淮西外藩弗靖天子荒淫于上熱  
威騰縱于下直言忌諱之臣莫不朝奏夕謫賀非諫議之分殊  
懷宗國之憂託物諷時婉詞而微旨出于幽深譎詭抒寫其悲  
憤擲鼻苦吟心骨失養血氣衰槁蓋亦知其壽命之促矣

元和初宗孫不許逵擢集中仁和里雜叙皇甫湜曰欲雕小  
說于天官宗孫不調為誰憐言不得求官吏部也云居長

安之年餘者集中勉愛行送小季之廬山曰維爾之昆二十  
餘年來持鏡頗有鬚辭家三載今如此索米天門一事無示  
弟猶曰別弟三年後還家一日餘客道曰三年去鄉國又曰  
旅歌屢彈鋏閒愁篇曰我當二十不得意是其舉進士後居

京三年已逾二十歲矣 云元和七年春者集中送沈亞之  
序云文人沈亞之元和七年以書不中第其詩曰吳興才人  
怨春風桃花滿陌千里紅又曰雄光寶礦獻春卿又曰春卿  
拾才白日下擲置黃金解龍馬按太常寺卿在隋唐間亦稱  
春卿亞之春初應舉見黜于太常賀故云然賀詩感慨最多  
此時入選授官故慰人失意語不及已其為同年應試確無  
可疑集中始為奉禮憶昂谷山居曰小樹叢花春雨篇時令  
尤相合也 唐制禮部簡試太廟齋郎郎社齋郎皆取文資  
奉禮亦在齋郎之列德宗時試太常寺協律郎沈既濟曾議  
近世選舉之失是太常司屬皆以應試入選也又按唐制奉

禮部協律郎各二員奉禮郎初沿隋制曰理禮郎武德初曰  
治禮郎永徽二年以廟諱改今名集中有始為奉禮應昌谷  
山居詩又聽韻郎彈琴歌曰奉禮官卑復何益義山李賀小  
傳曰長吉生二十七年位不過奉禮太常是賀始終任奉禮  
卽故詩中無言協律郎者義山與賀同時其言必可信也世  
稱賀為協律郎亦一大誤且奉禮從九品協律正八品秩  
已不相同奉禮掌設版位執儀行事協律掌舉麾節樂調和  
律呂監試樂人興課二官司儀典樂職守各有專司尤復無  
從撓趙顧新舊唐書及太平廣記並稱賀所作樂府雲韶樂  
工無不諷誦合之管弦以奉天子集中出城別張久新贈李



漢曰吾將謀禮樂聲調厚清新欲使十千載帝道如飛神是  
賀亦曾與問樂政所作樂府又入法曲因而自言樂志謂為  
兼攝協律事或有之未嘗久于其位史傳所以誤為卒子協  
律歟 贈陳商曰臣妾意態間惟欲承箕帚 史稱賀與權  
楊往來最密按權璩為宰相德興之子元和初方執國政楊  
敬之張徹韋仁實兄弟皆以門蔭列于仕宦是賀友多貴游  
子弟也 墨組銅綬諸語皆取詩意 集中春歸昌谷曰終  
軍未乘傳顏子髮先禡按軍年十八為謁者使行郡國是賀  
未弱冠已改鬢毛也詠懷曰日夕著書罷驚霜泣素絲又曰  
鏡中聊自笑詎是南山期賀蓋自知不壽矣

已而病革白母夫人曰某幸得為夫人子而夫人念某且深故  
從小奉親命能詩書為文章所以然者非止求一位而自飾方  
欲大門族上報夫人恩何期一日死不得奉晨夕之養豈非天  
哉然某雖死非死也乃上帝命帝成白玉樓以某榮于辭立召  
某與文士數輩共為新宮記又作凝虛殿使某纂樂章某令神  
仙中人願夫人無以為念賀駕于天性懼以死傷母心姑託神  
怪之說稍稍殺其哀痛復自快焉不必實有是事矣賀生于貞  
元六年庚午卒于元和十一年丙申至是二十有七歲

李義山作小傳云長吉將死畫見緋衣人太平廣記及宣志  
謂是死後告其母者二說互有同異先後不倫要皆以為應

召天帝也不知賀性故孝始屈于嫌名之故殉其最重之科  
名以避流言至是知其不起託詞以慰母氏去曲苦心臨命  
不爽後人以賀文字之奇於其生平必欲實以奇事乃因彌  
留之語附會死後之夢岐一為二蓋王氏姊之告義山者非  
有遺忘或義山未盡其詞耳且賀貴志以死其神志蓋送自  
謂往應天詔藉吐文章之氣此亦人情之常夫何足信按以  
入史則陋矣 太和五年牧之作長吉詩編序云賀死後十  
五年是其死時元和十一年丙申也以二十七歲推其始生  
當在貞元六年庚午舊唐書及太平廣記云卒時二十四非  
是

賀十歲後已與李益齊名有樂府二李之目東都之大夫士交相引重

舊唐書李益傳云德宗貞元末與宗人李賀齊名樂府稱爲二李每一篇出樂人輒以重賂購得合之管絃按貞元凡十九年賀生亦十四歲李益於貞元末與之齊名常賀十歲之後

韓愈見所業奇之而疑其古人因皇甫湜之羅致自居于同道先進賀執歌詩爲贊聞門延絢時時過從其家游楊歸紳之間賀受排斥護持尤力蓋其生平知遇之盛無有比于愈者當時文選陵遲愈以振起爲已任務反近體去陳言其徒雖奉師法



不能厯其藩翰賀少愈二十歲髣髴便屬詞爾雅入古卓然獨立一洗咸唐浮薄鄙俚之習尤不喜為七言律詩與愈異曲同裁宜乎氣類之感有真契焉賀既高標風格恆自比于太華壁立弗屑儕偶流俗重為世人所忌又從而摧抑之顛顛悲傷曾不偶貶其志曲從周旋故十年京洛所交歡者李漢張徹並于愈為壻輩皇甫湜權璩楊敬之王參元張又新陳商沈亞之沈子明崔植韋仁實兄弟多出愈之門下以類相聚義愛尤密日偕諸公遊未始先立題然後作詩如他人思量牽合以及程限為意恆從小奚奴騎距驢背一古破錦囊遇有所得書投囊中暮歸太夫人使婢探出見所書多輒曰是兒嘔出心乃已爾上

燈與食賀從婢取書研墨疊紙足成之雜置他囊中不亞次為  
卷軸也非大醉及弔喪日率如此過亦不復省任王揚寫去或  
授之沈子明其在京洛道上有著隨棄既死無所傳散失幾盡  
有侍郎李藩者綴諸篇什為集序未成聞賀表弟於賀為筆硯  
之舊召之見託搜訪所遺其人敬謝且曰某盡得其所為亦見  
其多點竄者請視筆本當事改正藩喜并付之彌年絕迹更召  
詰之則曰某與賀中外自小同處恨其傲忽亟思報焉所得兼  
舊有者一時投于涸中矣嗣是歌詩所存僅僅四卷二百三十  
三首沈子明所編也後人別于他本中收八十一首  
論曰士至不幸而以文人稱更不幸而短長于流俗之口身死

千載信史不具即此零詞賸句莫或衷其是非夫亦可悲也已  
唐人沈既科目方以文人自榮昌谷年少特出深明理亂之原  
抑塞無所展布託諸無聊之騷些又盡棄其成稿豈期苦吟損  
年遂負平生之志僅以歌詩傳焉雖然世之譽昌谷者知其寶  
矣而莫名其器好為輕薄者不曰奇僻險怪未若李白之自在  
則曰李白仙才長吉鬼才蓋昌谷作詩妙于體物精于運思趣  
味深長格調高古而身世之間別有意指皆非後人所能詮解  
乃於字句間求之妄加評議互相詆譏甲既自命為知己乙謬  
謂為功臣究之誣我昌谷罪實均于投匭也詩至唐代體制大  
變學者便于揣摩奉為不祧之祖排比聲韻俯拾即是但能索

解于老嫗足登著作之林遠去昌谷門戶奚啻幾千萬里又安  
窺其堂奧乎嗚呼風雅道喪鄭衛移人世固未有能讀昌谷之  
詩者也流傳及于今日其不視為玩物幾希矣



校訂昌谷集餘談

田北湖

予家藏宋刻昌谷集兒時嘗鈔一通亦不省為誰氏  
本但記冊長尺許字大如錢而已壬辰失火遺書靡存  
予故喜讀昌谷歌詩求書市上則舊刻固不易購自全  
唐詩叢刻外未聞有通行本也弱冠客南昌始獲王氏  
本卷首言古今已七刻予發奇想乃欲盡致之以為快  
意昔賢評注必有可采者矣明年往撫州建昌寧都諸  
屬縣徧測經緯度所過山鄉中落之士族出其斷簡殘  
編捆載以求售積重百斤責千餘錢予買四五百石是  
集且完且缺多至九十七冊剔除重複居然有宋刻二

本元刻一本明刻三本有為王氏所未見者益知七種之說眼界猶狹而予願愈奢嗣是南北十年隨地搜訪復收五刻本二鈔本凡前後所得都十四本不圖一集之細蔚此大觀蓋由宋迄嘉慶其諸孤本尚在人間者皆已入吾祕笈不使偶有遺佚精誠所注古墨效珍無涯之生聚合尤物比于容甫之定武蘭亭可以慰子志乎予既朝夕展對比較而互勛之又甚惡夫章解句詮往往失其本意匪特抗顏強辯不知其非更人人自命為昌谷之知己以輕薄其前人歧途之歧謬妄無已其實八百年來世人能讀歌詩者殊不易易則評註之業

孰與爭此功也予覽陳迹不敢依違其間故為之質証  
焉猥瑣之談綴錄于左

昌谷死十五年沈子明檢其遺著分為四卷其時未定集名故  
杜牧作序但稱李長吉歌詩傳鈔既久世人不欲斥其名字遂  
以地名題集鼂氏讀書志云自梁子美家得昌谷集最初所稱  
蓋如是已宋代雕板以後輟轉印行有稱李長吉詩集者有稱  
李長吉集及李長吉詩者有稱長吉詩及長吉集者有稱錦囊  
集及錦囊詩者有稱李協律詩及協律詩或集者亦有直稱李  
賀者皆以私意為標題紛雜至不可紀其曰昌谷集或詩者六  
家而已今四庫所收一作昌谷集例從其始義亦甚當予故取

焉

昌谷作詩幾二十年非醉與弔未嘗輟業一時之所寄託盡情  
疾書生平固無志于傳也故狼籍脫稿已不復顧獨賴朋輩收  
拾之存其十一其散在人間久而亡失者不盡付于溷中矣鼂  
氏稱姚鉉嘗選載文粹中是書今不可考然郭茂倩樂府詩集  
所錄三十六題四十九首其中靜女春曙曲少年樂二詩足補  
沈子明之缺劉后村昌谷集題跋曰使賀集不遭厄必不能一  
一如今所傳本之精善疑賀自詮擇者耳鍾伯敬李長吉詩辨  
曰長吉詩無逸者矣其逸者皆賀所不欲存者也又謂李藩必  
欲別傳其所不欲存者甚矣無識者之禍人詩也然則投賀詩

與恨其投者其為庸人無識則同要其得投壇中則長吉之幸  
若長吉者已所不欲存雖舉世之所欲傳而必毅然自去之者  
也此二說者因杜序所述投詩之語誤以為昌谷嘗自選定此  
外逸詩乃昌谷所棄者至以李藩為無識投溷為幸事不解杜  
文之意義又從而武斷焉抑何不知昌谷之甚也夫昌谷生平  
誠不欲以詞翰之末與流俗爭不朽所製篇什大都棄之如敝  
屣務去陳迹猶恐不速沈子明所謂嘗授我生平所著歌詩者  
與李商隱云王楊輩時復採取寫去又云沈子明家所餘四卷  
而已同一語意非昌谷自出所著欲得子明而傳之也昌谷果  
自選定必不有著隨棄也明甚劉鍾之誣昌谷多矣

昌谷歌詩自其死後集成帙散漫不可叙次僅以四編分之  
今本列目之先後章數之多寡錯雜其間莫或為之厘訂蓋傳  
鈔者有所得失非復子明之舊也少者二百十九篇多者二百  
四十二篇而樂府詩集二首猶未采錄此與沈子明二百三十  
三首之說頗有出入好事之後疑其真贋相間謬指某篇某句  
不似昌谷或於四卷之中更摘十七題二十二首列於後集亦  
曰別集亦曰外集以為後人偽作果何所據而云然哉夫昌谷  
手筆無從模擬苟有依傍門戶效其顰笑者亦足以傳固無取  
乎假託焉此則不待辨矣必謂字無鬼血死泣諸類及未經鍛  
鍊雕琢者嫌其平淡直率而藉為口實斯亦不足與言昌谷之

詩者也

諸刻本中以汴本為最早大字白文無評無註亦不列刊者姓名但題治平丁未而已其次為寶慶三年金谿本詩數一百二十五首大字不注眉端略有批評篇首未載壯牧序不知誰氏選本也又次為宋末廬陵劉辰翁之李長吉詩評又次為吳西泉之長吉箋註又次為杭本錦囊集皆元刻也劉刻世稱劉須谿本頗見重于明人嘗翻三板有京師本蜀本宣城本朱書裝輯注解較少于原書字句又有同異京師本且削去後卷詩數二百一十九首至嘉靖中山陰徐文長及董樵策並以昌谷詩注合刻行世亦稱徐董合解始有圈點塗抹旁列線批指斥粗

率語與僞作者幾十之三四絕歟又刻是本參校諸家補其脫落者別置後卷世所謂上黨本也後文長三十年會稽曾謙甫以此註失之太簡識解過高殊與錦囊不合因作李賀詩解自謂遠出徐董之上能集劉吳之大成句擲字比援引頗蕪世所謂會稽本也崇禎之末莆田余希之有李協律詩註每首不過數句亦有全首無註者國初諸家未嘗稱之此本傳者絕少尤不易得也

國朝刻者最初為二姚本一曰山期一曰經三山期秀水人明末時客居吳下與復社諸名士會中有昌谷詩箋同時邱象升邱象隨陳懷陳開先楊妍吳甫六人之聯注孫枝蔚張恂蔣文



運胡廷佐張星謝起秀朱潮遠七人之評合而刊之總稱昌谷  
集句解定本雖采劉吳曾徐董余之說自以為諸本未定待佺  
而定世所謂定本是也經三桐城人有昌谷詩註多以史事詮  
釋自謂借古人以成一家言者其上方附蔣楚珍陳二如錢飲  
光周玉龜黃秋涵吳炎牧蔣潛伯諸評以二本皆刻于順治中  
其卷帙繁多數倍于前代諸本及乾隆時寶笈樓刻李長吉歌  
詩詩數二百四十二首所謂王琢崖彙解者比集舊說頗能得  
其精華而首卷詳於古人之校刊評集及昌谷事實尤為他本  
所無然謬誤之處未能訂正之也是時別有協律鉤玄之刻則  
自鄧無幾矣

予所得二鈔本一為明初靖石人張崇光物所引評解皆未見  
於舊刻者第蟲蝕殘缺至于不可句讀一為樂安詹氏物並列  
叢集曰昌谷錦囊曰溫李西崑曰皮陸松陵云從松風閣鈔來  
者張湍氏松風閣本甚為國初人所稱道未行于世及今觀之  
亦非箋註之精者也

西軒書李長吉詩解

楚州丘俊孫德峻撰

澁何病哉澁而至于焱犢篠驂一厄矣僻何病哉僻而至于白涼知有一厄矣猶如惠莊捐心謂人口吾口不能言此中多有夫口不能言此中多有者自喻而人不能喻之也久之而彼亦不自喻焉世界劫灰矣設有爲之解者曰焱犢無牛也篠驂竹馬也白者越女天下白涼者鑑湖五月涼也嗚呼此其爲義誠欲錮之此中與抑欲言之于口與吾懼夫言之于口

擬聞不如錮之于牢獄守也若夫昌谷之詩其白與  
涼與篠驂與竹馬與吾不可得而知也然而石耳箋  
之諸家炙轂而辯之而所謂涼與白與篠驂與筠犢  
與者皆有倫有貫焉不至于劫灰不至于劫灰者豈  
獨此中多有亦可宣之于其言宣之于其言并可以  
垂之于其後所謂文章之厄自此而清也然則所謂  
已知出郭少塵事更有澄江銷客愁者以是爲知有  
咸可以稍戢矣讀書之道如牧羊然必俟其後者先  
鞭之故必先于難字之過長吉之詩之解難字過矣

若詩綱若晚唐若宋元將次第而舉耶吾拭目望  
因馳歸西軒付之削比

長吉集序

南州李明睿太虛撰

長吉詩世人所艷羨余頗疑其惟後讀朱晦翁集云  
李賀較惟得些子不如太白自在又云巧不如拙皆  
譏之也然賀自是可兒世人說過的又說亦無味是  
以有古錦囊之佩韓昌黎却羨慕不已緣韓亦惟故  
喜其詩牛鬼蛇神是何語不作可也施諸廊廟則駭  
此可爲長吉道哉至陸龜蒙則比之畋漁者暴殄天  
物摘抉刻削露其情狀自萌卵至于稿死不得隱伏

天能不致罰耶斯言覺甚當故某常不喜此等詩及  
吾友山期取而註之乃得其實覺長吉詩重開生面  
更進一格如郭象註莊子不知莊子之爲郭象郭象  
之爲莊子也然後知人不可以無學學則不獨得古  
人之所已言併得古人之所未言洗發其幽光如山  
期今日之註是也雖然長吉之奇奇惟惟亦讀書作  
詩者之榜樣從難處入手得力于難易者可知庶不  
落近時寒儉酸腐語誠可喜也因其刻成題數語識  
之

弁讀

安定胡廷佐揆衷撰

長吉之詩長吉之心也母鄭夫人曰是兒嘔出心肝  
乃已後之人以爲雕鐫抉鑿僻側攸恤而莫可窮究  
也自石耳箋之而使之句句而使之字字淮徐上下西  
軒諸儒又能剪裁衆解畢統歸一斯何能至是石耳  
曰有道吾豈能以吾心同長吉心固不能以長吉之  
道異吾道也宋人曰心卽性性卽理也此豈姝姝焉  
挾一先生之言哉通詞也苟不通長吉之理而僅欲



測長吉之心正使剝數片着地形如雞冠耳赤城真人又復何言吾誠揣長吉之心之理爲三百六十神之主不出戶知天下不下堂知四方浸假而長吉之詩爲冬雷爲夏冰而寒暑之理一浸假而長吉之詩爲走飛爲飛走而蠢動之理一繇是而坐風雨立雲霧移山而駐流隱蔽六軍白日爲暝苟天地之大何所不有則長吉之筦三寸耳詎能逃乎天地間哉是故以長吉之心爲心則爲血爲苦爲死爲魄年二十七而髮盡白及其卒也如槁燥泥然若以百千萬億

人之心爲心其來也適然其去也適然其解也適然以天  
裁其詮也以均髮斯能註崇文嘉則七萬五千餘卷  
之書而新盡不敝又何嘔出之有嗟乎長吉雖慧夫  
亦偃師之伎耳偃師之所造倡者趣步俯仰信人也  
騁其頤則歌合律捧其手則舞應節然技將終乃瞬  
其目而招穆王之美人于是王大怒欲誅偃師偃師  
立剖散倡者以示皆傳會草木膠漆之所爲乃廢其  
心則口不能言廢其肝則目不能視長吉亦偃師之  
倡耳苟能爲偃師則不以口言不以目視故能費其

心于十五國之風源四大家之傑構而益廣于唐宋  
之聲歌向吾見石耳之顏今吾見石耳之心矣乃書  
以爲慶



光緒己未八月... 不願... 此... 一... 惟...

陳李探作交五合同

... 則... 日...

諸本傳序

。李長吉小傳  
京兆杜牧為李長吉集序狀長吉之奇甚盡世傳  
之長吉姊嫁王氏者語長吉之事尤備長吉細瘦  
通眉長指爪能苦吟疾書最先為昌黎韓愈所知  
所與游者王參元楊敬之權璩崔植為密每旦日  
出與諸公游未嘗得題然後為詩如他人思量牽  
合以及程限為意恒從小奚奴騎距驢背一古破  
錦囊遇有所得即書投囊中及暮歸太夫人使婢  
探囊出之見所書多輒曰是兒要當出心始已  
耳上燈與食長吉從婢取書所墨壘紙足成之投  
他囊中非大醉及弔喪日率如此過亦不復省王  
楊輩時復來探取寫去長吉往往獨騎往還京洛  
所至或時有著隨棄之故沈子明家所餘四卷而  
已長吉將死時忽盡見一緋衣人駕赤蚪持一版  
書若太古篆或霹靂石文者云當召長吉長吉了  
不能讀歎下榻叩頭言阿婆長吉學語時呼太夫

陳帝紀  
卷之五  
陳文帝紀  
卷之五

陳文帝紀  
卷之五

人云老且病賀不願去緋衣人笑曰帝成白玉樓  
立召君為記天上差樂不苦也長吉獨泣邊人盡  
見之長吉氣絕常所居牕中致致有煙氣聞行車  
轆轤之聲太夫人急止人哭待之如炊五斗黍計  
時長吉竟死王氏姊非能造作謂長吉者實所見  
如此嗚呼天蒼蒼而高也上果有帝耶帝果有苑  
圃宮室觀閣之玩耶苟信然則天之高邈帝之尊  
嚴亦宜有人物文彩愈此世者何獨眷眷於長吉  
而使其不壽耶噫又豈世所謂才而奇者不獨地  
上少耶天上亦不多耶長吉生二十七年位不過  
奉禮太常常時人亦多排擯毀斥之又豈才而奇  
者帝獨重之而人反不重耶又豈人見會勝帝耶  
。李賀詩編序 唐京兆杜牧撰  
太和五年十月中秋半夜時舍外有疾呼傳紙書者  
故曰必有異亟取火來及發之果集賢學士沈公  
子明書一通曰我亡友李賀元和中義愛甚厚日  
夕相與起居飲食賀且死嘗授我平生所著歌詩  
雜為四編凡二百三十三首數年來東西南北

陳季卿字子方字子卿  
子字子卿字子卿

陳季卿字子方字子卿  
子字子卿字子卿

陳季卿字子方字子卿  
子字子卿字子卿

長王字卿

此字實字題富王後甚絕上

陳季卿字子方字子卿  
子字子卿字子卿

爲已失今夕醉解不復得寐則閱理篋蛛忽得賀  
詩前授我者思理往事凡與賀語言嬉遊一處所  
一物候一日一女一觴一飯顯顯焉無有忘棄者  
不覺出涕賀復無家室子策得以給養郵問常恨  
想其人詠味其言止矣子厚於我與我爲賀集序  
盡道其所來由亦少解我意牧其夕不果以書道  
不可明也就公謝且曰世謂賀才絕出前讓居數  
正牧深微公曰公於詩爲深妙奇博且復盡知賀  
之得失長短今實叙賀不讓必不能當公意如何  
復就謝極道所不敢叙賀公曰子固若是是當慢  
我牧因不敢復離勉爲賀序然甚慙賀唐皇諸孫  
字長吉元和中韓吏部亦頗道其歌詩雲烟綿聯  
不足爲其態也水之過也不足爲其情也春之盎  
盎不足爲其和也秋之明也不足爲其格也風櫓  
陣馬不足爲其勇也瓦棺篆鼎不足爲其古也時  
花笑女不足爲其色也荒園慘殿梗莽丘隴不足  
爲其恨怨悲愁也鯨呿鰲擲牛鬼蛇神不足爲其  
虛荒誕幻也蓋騷之苗裔理雖不及辭或過之騷

之有感恩刺懣言及君臣理亂時有以激發人意  
乃賀所爲得無有是賀能探尋前事所以深歎恨  
古今未嘗經道者如金銅仙人辭漢歌補梁庾肩  
吾宮體辭求取情狀離絕遠去筆墨畦徑間亦殊  
不能知之賀生二十七年死矣世皆曰使賀且未  
死少加以理奴僕命騷可也賀死後凡十有五年  
京兆杜牧爲其序

書李賀小傳後

唐松陵陸龜蒙撰

玉溪生傳李賀云長吉常時旦日出游從小奚奴  
騎距驢背一古破錦囊遇有所得卽書投囊中暮  
歸足成其文余爲兒時在襍陽聞白頭書佐言孟  
東野貞元中以前秀才家貧受溧陽尉溧陽昔爲  
平陵縣南五里有投金灘瀨八里許道東有故平  
陵城周千餘步基址敗隳裁高三四尺而草木勢  
甚盛率多大櫟合數十抱葉蓀蒙翳如塢如洞地  
窪下積水沮如深處可活魚鱉輩大抵幽邃岑寂  
氣候古澹可喜除里民樵單外無入者東野得之  
忘歸或比日或間日乘驢後小吏經驀投金渚

往至得蔭大櫟隱崑崙坐於積水之傍吟到日西  
還爾後袞袞去曹務多弛廢令禿躁卡急不佳東  
野之爲立白王府請以假尉代東野分其俸以給  
之東野竟以窮去吾聞嵇叟漁者謂之暴天物天  
物旣不可暴又可挾適刻削露其情狀乎使白萌  
卵至於摘死不能隱伏天能不致罰耶長吉天東  
野窮玉溪生官不掛朝籍而死正坐是哉正坐是  
哉

見幽閒鼓吹

唐清河張固撰

李藩侍郎嘗綴李賀歌詩爲之集序未成知賀有  
去兄與賀爲筆硯之舊召之見托以搜訪所遺其  
人敬謝且請曰某盡得其所爲亦見其多點竄者  
請得所葺者視之當爲改正李公喜并付之明年  
絕跡李公怒復召詰之其人曰某與賀中外自小  
同處恨其傲忽嘗思報之所得兼舊有者一時投  
於湖中矣李公大怒叱出之嗟恨良久故賀篇什  
流傳者少

須溪總評二則

宋廬陵劉辰翁撰



陳年齊錄。○指所錄  
諸家評論多後世狂案  
王詞殊不取。惟老唐一  
則者。實佳。竹七。似。似。唐。唐。  
陳氏或謂此非真。

舊看長吉詩。固喜其才亦厭其流落筆細讀方知  
作者用心。料他人觀不到此也。是十年長吉猶無  
知已也。以杜牧之鄭重為序。直取二三歌詩而止。  
始知牧亦未嘗讀也。即讀亦未知也。微一二歌詩。  
將無道長吉者矣。謂其理不及騷。未也。亦未必知  
騷也。騷之荒忽。則過之矣。更欲俟騷亦非也。千年  
長吉。余甫知之耳。詩之難讀如此。而作者嘗嘔心  
何也。樊川反覆稱道。形容非不極至。獨惜理不及  
騷。不知賀所長。正在理外。如惠施堅白。特以不近  
人情而聽者惑焉。是為辨。若眼前語。眾人意。則不  
待長吉能之。此長吉所以自成一家歟。  
○李賀詩解序。明山陰王思任撰。  
有明霞秀月之賞。則必有崩雲湧雪之驚。有練川  
楮陸之平。則必有鴈蕩龍門之怪。有典謨訓誥之  
正。則必有竹墳石鼓之奇。有論語孟子之顯。則必  
有墨兵紫寇之幻。窮則定至於變。通則適反其常。  
此不易之理也。然而變起於智。者又通於智。者李  
賀以僻性高才。物賜肝眼。跳梁其間。其最稱筆視。

知者鏡深繹隱之韓愈而所極臧隸視者明經中  
第之元顧也賀既睡空一世世亦以賀爲蛭魅牛  
妖不欲盡掩其才而借父名以錮之蓋不待淵中  
之投而賀之傲忽毒人將姓字不容人間世矣賀  
既孤憤不遇而所爲嘔心之語日益高祗寓今託  
古此物微事大約言悠悠之輩何至相嚇乃爾人  
命至促好景盡虛故以其哀激之思必作澁晦之  
調喜用鬼字泣字死字血字抑此之類幽冷溪刻  
法當天之教陶孫考之爲食露盤也顧其心千  
五涉目萬書嘆空繡閣擲地絕塵時而蛩吟時而  
鸚鵡語時而寶鼎煊雲時而碧燐翻雪阿閼片時不  
鐵馬時而寶鼎煊雲時而碧燐翻雪阿閼片時不  
容方物其可解者抱獨知之契其不可解者甘遷  
世之悶卽杜牧之睡接最密猶以爲殊不能知也  
揚雄之言曰子雲之後自有子雲賀死入百年而  
山陰有徐渭者嗜奇如錯能以叔敖爲賀而亦能  
以侯芭解賀然喉間尙喀喀而神未王也又三十  
年而曾益出立賀於旁推心代口一一詰之而一

一通之通其混沌如取浴室之風日鑿一竅通其  
芬亂如時辰滿髮從木至條穎穎見頂通其乖隔  
如舌人辯語九輩響應一說蘭閣而無不笑悅通  
其艱險如危橋耐雪又如五丁鑿鑿蜀嶂乞天一  
線惠人以猿鳥之路通其利病如舍公切脈低徊  
久之肺何以浮而肝何以沉通其謎隱有山崩窮  
平日有而令壺齟老不能苦方朔也通其玄古則  
崎嶇之碑倒讀而赤文之龜墮甲矣蓋益靈機刃  
豁博記繭抽八面互觀三長競用以疏視苒蒲以  
衫處火浣神不爲賀欺而才欲出賀上即使賀見  
此書亦必亞然大笑自謂深笨之迷影今而後詩  
可以怨者其變盡出賀亦了不異人意矣浚潯之  
頭得楚太子恣然一汗而中心痒痒麻姑爲我數  
抑搔也真古今痛快事哉一時紙貴請自隗始益  
字謙亦越之山陰人

古今序記不下數十其稍簡者述之止此

昌谷集目錄

卷之一

憑筵篴引 炭絲曲 還自會稽歌 出城

權璩楊敬之 示弟猶 竹 同沈駢馬賦

御溝水 始為奉禮憶昌谷山居 七夕

過華清宮 送沈亞之歌 貴公子夜闌曲 鴈門

春坊正字劍子歌 蜀國絃 蘇小小墓 夢

太常行 大堤曲 河南通府試十二月

天唐兒歌 綠章封事 秋來 帝子歌 秦

樂詞 天上謠 浩歌 李夫人 走馬引 湘

王飲酒 洛妹真珠 李夫人 走馬引 湘

妃 南園十三首

金銅仙人辭漢歌 古悠悠行 黃頭郎 馬

詩二十三首 申胡子翳築歌 老夫採玉歌

傷心行 湖中曲 黃家洞 屏風曲 南

山田中行 貴主征行樂 酒罷張大徹索贈

25

陳季在時曲下者春畫  
一首 後園聲并歌下  
名南德歌一首 古鄧  
城中子律子有楊文者  
花紫石胡歌一首 房中  
題下者石城晚一首 春畫  
註一首 章和二年中一首  
知能忘下者自昌公詩後  
陸門一首 七月一日曉入太約  
少一首 秋依訪言一首 字元  
一首 卷三止  
陳季在時曲下者春畫  
註一首 章和二年中一首

卷之四

人	梁	春	軒	兄弟	集	題	南	苦	七	酒	相	之	堤
公子	公子	歸昌	過昌	入關	下曲	歸夢	園	書短	月一日	秋涼	拂舞	同洛	先輩
河陽歌	壯丹	昌谷	昌谷	夫人	蘭	長	和里	開愁	曉人	猛虎	笙篴	城外	塘上
花遊曲	種曲	諸效	王	銅	神	文	維叙	章和	二年	山	日	北中	呂
安樂宮	後園	刺曹	操	沙	路	曲	皇甫	自	五	粉	小	公	官
蝴蝶飛	秦宮	詩	思	高	實	京	致酒	石	城	曉	春	畫	上

陳平孝凡五十五首  
周子列公孝凡五十五首  
盧三首

野歌

美人梳頭歌

官街鼓

許公子鄭姬

歌

新夏歌

經沙苑

出城

別張又新酬李

漢

假龍吟歌

感調六首

白虎行

莫愁曲夜來

樂

嘲雪懷春引

白虎行

神曲

有所思

少年

高平縣東私路

神曲

龍夜吟

聽穎師彈琴歌

覽客使者

歎唐姬飲酒歌

神曲

龍夜吟

聽穎師彈琴歌

陳平補遺

詩

靜女春晴曲

少年歌

按陳氏明初補遺序云陳平補遺兩首白內前一首止二句十一言又補遺二首餘杜絕句多十首今此本缺本補遺而篇數正合三首四言者疑王平所注中而移其法序為五注四言者又據白內首此本不特以知陳平先有兩首

坊出刊梓見日刊須除心  
沈為名入陳考之按為庸  
法其 大其 年 却 是 匪 亦  
史中 聖 年 此 芳 林 陳 不  
更 標 出 而 括 之 集 字 則 仍  
此 陳 字 則 之  
張 松 王 考 之 為 標 出

植抱而彈者異。豈筌篥又空猴之誤與。并識。



好建利兩宮六神國主由張  
考順之於後家貞元六年建於  
宣宗元和中二年唯步聖神  
帝後世奉四延時嘉五十年  
系步仍曰為國步張之聖二條  
所蓋聖以一契國文而元宗  
雖云不計世即為祖國慶  
首順以力度王政此後為時  
以若此歲以補國生之願  
春秋考法相表裏

于此〔蔣〕劉熙釋名云箜篌出桑間濮上之  
地師涓為晉平公鼓焉鄭衛分其地而有之  
遂號鄭衛之音為淫樂而西陽雜俎載魏高  
陽王雍美人徐月華彈箜篌能為明妃出塞  
之聲有田僧起能吹箏為壯士歌項羽吟將  
軍崔延伯出師每臨敵令傳起為壯士聲遂  
單馬入陣箜篌非獨鄭衛之聲也隋音樂志  
云箜篌出自西域非華夏舊器也又樂工云  
天竺伎有鳳首箜篌則詩中中國彈箜篌何  
必指為外國之音可知〔姚〕又釋名云師延  
所作靡靡之音蓋空國之侯所作也段安節  
樂府錄云箜篌乃鄭衛之音以其空國之聲  
故號空國之侯吳兢解題云漢武依琴造坎  
侯言坎坎應節也洪容齋述史記封禪書云  
漢公孫卿卿為武帝言大帝使素女鼓五十弦  
瑟悲帝禁不止故破其瑟為二十五弦于是  
武帝益召歌兒作二十五弦及空侯應節曰  
帝令樂人侯調始造此器前漢郊祀志備書

楊巨源勝李張好琴張  
 詩陸老琴柱公腰後風傳  
 曲度聲林風若王膝穿絳園  
 曉如到平內為安物花眼  
 搖當去散泉為為生在街  
 徒前唐王到時人向雲月道  
 即非陸元大

舊唐書月宮琴師又月宮  
 白文

此事言空侯瑟自此起顏師古不引此雖劉  
 吳博洽亦不深究且空元非國名也莊子言  
 魯遽調瑟二十五弦皆動蓋此云子按望後  
 必舊有此器鄭衛間亦有之而漢帝所造乃  
 彷彿此器而精之也。不然不應師消既作于晉  
 平公時而郊祀志復云自此起也其豈與臥  
 鳳首與大小亦或非一云。

吳絲蜀桐張高秋（姚）吳夫人能以神膠掛髮神膠出  
 織為慢飄飄如烟氣輕動時人謂之絲絕此絲正與  
 茲合乃諸註不引而引吳都賦鄉貢八蠶之綿何為  
 舍近而遠取與蜀桐者益州白桐宜為琴瑟也吳張  
 高秋張于秋也（丘）九月律謂之無射射者出也言陰  
 氣上升萬物收藏不復出故曰高秋杜秦州雨晴詩  
 曰天永秋氣薄從西萬里風謂秋天遠永風從萬里  
 來可謂廣大故纂要曰空山凝雲頽不流之也江  
 高商曰高風曰高節也空山凝雲頽不流之也江

宋本金本  
 空山皆非  
 空白期空

娥啼竹素女愁博物志舜死二妃淚下染竹成斑死

而啼而愁猶含韻作書而鬼神號泣李憑中國彈箏

此言非是啼與怨大繁聲之悲也李憑中國彈箏

篋曾云中國猶國中非吳西泉云李憑疑外國人

曲度禁林明君王聽樂樂園暖翻崑山玉碎鳳凰叫

芙蓉泣露香蘭笑徐三句形容聲聞曾其聲何如如

為動即芙蓉含露若十二門前融冷光城有霸城清

泣而香蘭開若笑耳十二門前融冷光

明宣平覆蓋鼎路便門章城直城雍門洛門厨城橫

經緯吳令光秋光集二十三絲動紫皇曾止二十三

音感和無地不融矣二十三絲動紫皇

紫微帝座也女媧煉石補天處石破天驚逗秋雨

香蘭一作蘭香

皇  
宋本作皇金作董  
英華作望

徐聲激之然吳石破言其聲忽如石破秋兩逗下猶  
白樂天琵琶行銀瓶乍破水漿迸之意丘董云即過  
雲也夢入神山教神姬老魚跳波瘦蛟舞丘上言望  
解粗矣豈人授哉晉永嘉中兖州有神姬成夫人好音能  
彈箏篪聞歌絃輒起舞意者今李憑夢而得其故乎  
故如瓠巴鼓琴而鳥舞魚躍也留琴譜蔡琰入法有  
撥刺魚尾翻波之聲又指法有鯉魚三跌子皆跳舞  
意吳質不眠倚桂樹露脚斜飛淫寒兔丘董云吳剛取  
砍桂之事非蓋因曹子建有箏篪引置酒高殿上親  
交從我游泰箏何慷慨齊瑟和正柔句而吳季重子  
建容也不眠者知音心醉也劉義慶賦云侯季化而  
始造魯幸奇而後珍名啓端于雅引器荷重于吳若  
是也箏篪引即公無渡河曲麗玉為被髮狂夫沒河  
而作其聲樓煥曹子建用此曲命題不言曳溺徐云  
結三句皆夢中所見解支離董云分明說李憑是月  
宮霓裳之樂寒兔即月露淫即零露漙漙也

蔣玄扈題不言夜彈箏篴而融冷光。湮寒荒。皆  
夜彈箏篴也。三。箏篴之別者亦不必大。小序可見。  
劉須溪狀景如畫。自其所長。箏篴聲碎有之。崑  
山玉碎頗無謂。下七字妙語。非玉簫不足以當石  
破天驚。過于遶梁過雲之上。至教神姬。忽入鬼譚。  
吳質嫩態。月露無情。  
蕭五雲須溪稱樊川反覆稱道形容。非不極至。  
獨惜理不及。駢不知賀所長。正在理外。予謂此欲  
為長吉開生面。而反滋惑者也。天下豈有長于理  
之外者。如此詩如此解。又何嘗異人意。  
姚肩菴中國彈空侯五字。忽過。唐太宗時。西國  
進一胡。善彈琵琶。絃撥倍。躍。太宗不欲番人勝中  
國。乃使羅黑黑隔帷聽之。一。遍而得帝謂番曰。此  
曲吾宮人能之。遂取大琵琶。令黑黑帷下彈之。不  
遺一字。因驚嘆亂去。西國降者數十國。長吉益得  
此意也。康崑崙琵琶雖第一手。乃得段師之教。而  
皮益精。李憑不入教坊焉。知其能忘本。應乎故。又  
推本神姬之教。

為樂惜錢不知徒  
以惟老積才無用  
化為土也妙在隨  
物不盡

殘絲曲殘絲遊絲

丘題好

垂楊葉老鶯哺兒殘絲欲斷黃蜂歸丘西陽雜俎載

明帝惡言白段成式弟取窠壞之嶺南有壽蘭經雨  
化為巨蜂其色黑喙若鉅觜中有竹蜜蜂窠與窠並

紺色不獨黃也絲髮年少金釵客縹粉壺中沉琥珀吳魏略

出一種琉璃縹其其一也青白色潘安仁賦傾縹瓷以  
酌醪或縹粉琉璃壺也太白詩魯酒若琥珀又云琉

璃鏤琥花臺欲暮春辭去落花起作迴風舞榆莢相

催不知數沈郎青錢笑城路春秋元命包云三月榆

鑄小錢人謂螭婢刺哥帖公此言夫城路必有屬吳其以豫林

之沈郎錢大盈為戒耶

并序

○○還自會稽歌

庾肩吾於梁時嘗作宮體謠引以應和皇子

及國勢淪敗肩吾先潛難會稽後始還家僕

意其必有遺文今無得焉故作還自會稽歌

以補其悲

庾肩吾字慎之新野人梁武帝時為首安王常侍嘗被命與徐摛等

抄撰衆籍豐其果饌號高齋學士及簡文開

文德省置學士肩吾子信徐摛子陵等充選

所謂應和皇子即簡文帝帝初為晉安王後

為皇太子博綜羣書文頗傷輕靡號宮體故

肩吾有此謠引又徐摛傳云摛文體既別春

坊盡學之宮體之號自此始肩吾後為賊宋

子仙所得欲殺之謂曰吾聞汝能詩可即作

能則貸汝命肩吾操筆立成詞采甚美乃釋

之此為潛難

會稽昔事也

宋金二本皆作銅  
同字照述山詩中  
改定

野粉椒壁黃溼螢滿梁殿（丘）皇后（椒房）詩云椒  
以椒塗石以取溫暖除惡氣也出蔡質漢官典職應  
劭漢官儀西京雜記諸書今椒壁而為野粉則已顏  
殿上而有溼螢則并無殿矣螢乃腐草及爛竹所化  
生陰溼地在大暑前後得火之氣而化此光明故  
曰溼臺城應教人秋余夢（吳）晉成帝七年作新  
也在今上元縣東北五里洪景盧隨筆云晉宋間謂  
朝廷禁省為臺故稱禁城為臺城官軍為臺軍卿士  
為臺官法今為臺格今人于他處指言建康為臺城  
非也秦法諸王公稱教言教示于人也獨斷云諸侯  
之言曰教魏晉以來人臣于文字間有屬和于天子  
曰應詔于太子曰應令于諸王曰應教今和皇子故  
曰教也銅鞮吳霜點歸髻身與塘蒲晚（丘）秋余銅鞮  
太子車也悲至其還自會稽霜吳暮年益可（耶）靜金魚羈臣  
悲也漢高十二年改會稽為吳郡



守連賤姚曾解以為則唯永辭榮祿以守此臣節而

得焉何涉此必李賀附金魚之官往求其失其家辭

云羈旅之臣播遷流離已盡失之矣今連賤無以上

獻故曰補其悲一本注去遷陸機赴洛詩云撫劍道銅華以奉車

也方與題有會師也注是道山清溪也

蔣玄扈如辱菴解於金魚字亦甚合炙穀子魚

袋古算袋魏文易以龜至唐以魚不應梁時先說

金魚也唐上元年中令九品以上佩刀礪等袋形

悅為魚形結帛作之取魚之象強之兆也

蕭五雲司馬相如病甚天子曰可往從悉取其

書若不然後失之矣使諫大夫所忠往問其妻對

曰長卿固未嘗有書也時時著書人又取去即空

居此詩正用此結千里画龍一經點睛便欲飛去

丘季貞唐職林魚帶門叙金玉銀鐵帶及金銀

魚袋云開元勅非灼然有戰功者餘不得佩賞魚

袋金魚指唐宮斯明文矣若云辭榮祿梁已亡誰

命之而辭耶

劉須溪言秋衾銅輦之夢而更自見殆蘇外賦也

出城寄權璩楊敬之

會城都城賀傳云賀父名晉肅禮部議賀不合舉進

士排之此是時失意而歸寄作也

草暖雲昏萬里春

進士籍而入選謂之春闈不捷而退肄業謂之過夏杏園初會謂

之探花宴以少俊二人為探花使皆春時也宮花拂面

送行人

會不解迎而解自言漢劍當飛去何事還車

載病身

會病猶言時命也漢高斬白蛇劍上有七綵珠九華玉為飾雜廁五色琉璃為匣張華傳

晉武庫火穿棟飛去

姚辱菴

落句上與下不相承上既言劍下亦當以挫刃缺鉞之意足之乃佳

梅隱李補之序公詩

一客本作初何西三年作  
人情於情之在子日中  
見以有年為佳時之明

猶曰作稿坐不後何也  
言猶腹而骨凡持宜凡  
此

示弟猶

十陸金本

別弟三年後還家一日餘醅醺今夕酒吳盛弘之荊州記深水出

康樂縣取烏程鄉水為酒香美世稱醅醺酒龍城錄  
魏左相能治酒有醅醺翠濤以大甕貯之十年不敗  
太宗賜以詩醅醺勝蘭生翠濤過玉細快去時書徐

李不增去時吳昭明文選序飛文染翰則卷盈乎  
細帙說文細淺黃色如桑初生帙書衣亦小素病

骨猶能人在人間底事無姚底何也何事無雖日自慰

何須問牛馬拋擲任梟盧  
丘牛馬梟盧亦任之而已

梟者勝盧次之

蔣玄扈徐文長云平易似不出賀手冲淡拙率  
尤是賀之佳處予謂賀一率便不佳能為陰怪不

能為詩也  
劉須溪 亦是恨意悽惋如老人語

竹

入水文光動（留種竹多近水淇抽節註云抽進長也謝靈運露華生筍徑丘爾雅筍

詩初篁苞綠籜（抽節註云抽進長也謝靈運露華生筍徑丘爾雅筍

竹胎又苔色排（抽節註云抽進長也謝靈運露華生筍徑丘爾雅筍

織可承香汗（抽節註云抽進長也謝靈運露華生筍徑丘爾雅筍

皮赤編之滑勁（抽節註云抽進長也謝靈運露華生筍徑丘爾雅筍

三梁曾入用（抽節註云抽進長也謝靈運露華生筍徑丘爾雅筍

二柱也此可笑（抽節註云抽進長也謝靈運露華生筍徑丘爾雅筍

竹竿不應作梁柱用異物志有竹曰簞大數圍斷截

以為棟梁。不復加斤斧。若以此作竹竿。非應六簦者。耶。吳西泉云。漢唐冠制有三梁。兩梁之制。恐指此其言是也。按漢高為亭長。乃以竹皮為冠。應劭曰。以作始生皮作冠。今鵲尾冠是也。上下文始會得。一節奉王孫。董趙世家。襄子奔晉。陽原過從。後至王澤。原過以告襄子。襄子剖竹。有朱書曰。余霍太山山陽侯。天使也。余將賜汝林胡之地。二節莫通。謂之一節可。魏志云。蔡邕見王粲曰。此王公孫有異材。

蘇茶坡梁元帝賦竹。解谷管新抽。第二句即云。洪園節復修。末云。邛王若有獻。張騫應拜侯。其規

微聲同

李太虛收到用與節見竹之不容終也

姚厚麓微宗賞宋齊愈梅詞。非惟不經人道。又且自開花說至結。予言之。可謂盡之。今自抽長以至成用。絳露華而及霜根。斯亦可謂盡之。可悟作詩之法。乃詩未必盡也。

劉須溪 織可承香汗詠作出此故奇

、同沈駙馬賦得御溝水

入苑白泱泱

姚東漢舊儀云上林苑方三百里按其故基跨今盤屋鄠藍田咸寧長安五縣

之境上林賦云蕩蕩乎入川漸旌涇宮人正靨黃

渭豐鎬滂瀾皆通苑中故曰泱泱也宮人正靨黃

頰輔也洛神賦明眉善睐靨輔承權其字二音一音

琰一音葉溫飛卿繡衫遮笑靨煙草粘飛蝶此音葉

又云粉心黃蕊花靨黛眉山兩點此音琰花間詞淺

笑含雙靨又云翠靨眉心小又賦粉半粘金靨子殘

香猶暖舊薰籠五代宋初為盛而楊用修云自吳宮

有額髓補痕唐韋固少時為盜刺以翠掩之遂有靨

骨令

丘曾云太史河渠開渠得龍骨也子謂不須遠

卷一

一

水尾達樊川其行道因成土山是也開皇初令開渠引澹水北流入苑謂之龍首渠由景龍池入城以注秦宮拂岸鴨頭香水別館驚殘夢水也停杯泛小觴

幸因流浪處暫得見何郎吳晉華虞云周公成洛邑因流水泛觴魏何晏以主

壻拜駙馬都尉今

因言沈駙馬也

蕭五雲須溪云宮人句似不相涉御溝正宮人出入處如何不相涉正御溝好景徐文長云炤水

正粧亦太泥

洗山則流派字不雅駙

始為奉禮憶昌谷山居

曾大唐六典云武德中置治禮郎永徽中改奉

禮蓋太常寺官

昌谷在隴西

今琴州牙梳米為江

掃斷馬蹄痕

曾謝衙回自閉門

曾憶

長鎗江米熟

曾漢

素先開春玄矣  
故及酒熟而開  
沉飲也

上呼米為長腰給丘賈誼曰梁小餅象花春  
米出干蜀漢香美愈丘蕭子顯齊書明僧紹隱長廣  
有向坐懸如意丘微為正員外稱疾不就高帝賜竹  
如意懸者此類若珊當簾閱角巾  
瑚金犀不可泛用  
吾角巾竟還烏衣又羊祜角犬書曾去洛  
巾私第口不言伐吳之功  
借川黃犬事而劉貢父云此米必然自洛鶴病悔遊  
至吳豈能遠涉如此黃犬或陸氏煥翁也  
秦曾遊秦悔服官也玄宗徽沙苑見飛鶴射之益州  
神興土甌封茶葉丘甌考工註云無底甌也封有法  
錄大抵蒸芽必熟去膏必盡未熟則  
草木氣存米蓋則色濁而味重受煙則香奪壓黃則  
味失此封字之妙茶經云自采至于凡七經今云  
封即下銀字山杯鎖竹根  
棄而不用也  
器丘巴州以竹根為酒



更信詩野爐燒樹葉。山杯捧竹根。杜詩不知船上月。  
傾銀注玉驚人眼。共醉終同卧竹根也。

誰掉滿溪雲。  
甚也  
蕭五雲故居豈無桃李可憶而獨指棗花者豈  
用范陽公主恐魏家事耶主憶長安李宜築一城  
城棗樹花而不結皆向西南俗號為思鄉棗憶故  
居或準此作

七夕  
姚風士記魏人問董勛云七月七日為良  
日飲食不同于古何也勛云七月七日為良

日為陽數故以庚為珍後人傳  
瓜菓遂附會織女嫁牽牛云

別浦今朝暗。  
俗傳天  
羅帷午夜愁。  
姚慈夢無着午夜  
夜中也羅帷婦事  
鵲辭穿線月。花入曝衣樓。  
正庚俗女穿盤開襟樓  
上天寶遺簪帝貴妃是  
遊宴華清宮。宮女陳瓜花酒。  
俗婦列庭中求思  
客以蜘蛛閉小合上至

巧之候以九孔針五色線向月穿之唐六典是夕進  
七孔金針秘閣閑話下氏女忽見流星墜遂中明  
目淚上有金梭巧思遂進西京雜記太液池西漢武  
驪衣樓宮女出后衣驪之爾雅翼七夕鵲無故皆  
相傳殺鵲為梁故毛皆脫去更肩天上分金鏡孫喬  
吾有詩寄語雕陵鵲填河未可飛孫喬  
月賦蔽修人閒望玉鈎錢唐蘇小小又值一年秋姚  
壞而分鏡人閒望玉鈎錢唐蘇小小又值一年秋望  
玉鈎曾解以為月則合掌矣望之者望天女之下也  
玉鈎借佩飾影川曾樂府廣題云南齊名倡也今何  
在平又值一  
秋感慨深矣

劉須溪

鬼語之淺淺者

徐文長

末二句忽說至此信手拈來

蕭五雲

古詩云南箕北有斗牽牛不負輶織女

無機柁大梁不架楹言存而無用也自道書有取

天帝二萬錢備禮欠不還被驅在營室又小說天

帝之子年年勞機杼織成天衣容貌不服整理天

帝憐其獨處許嫁河西牽牛郎遂廢織紉帝怒責使一年一度相會因而作者紛紛然詞所云癡兒騷女流傳謬添語柄柳州柳耑者也長吉詞人故未可與莊語

姚犀菴何以云牽女織女焦林大斗記云天河之西有星煌煌與參俱出謂之牽牛天河之東有星微微在氏之下謂之織女如是而已乃隔河須津梁以渡故折木謂之津折昔也鵲之昔昔又鵲能安梁遂說以爲填橋又陸賈曰乾鵲噪而有喜鵲腦能令人相思此皆渡河之傳詭譎者也胡明瑞云唐人小說如柳毅傳書洞庭事極鄙誕不根而詩人往往好用之夫詩中事本不論虛實然誰而不信亦橫議可誅何仲默每戒人用唐宋事然有舊非潮深柳毅祠之句亦大南菴一并拈出爲學詩之鑒

過華清宮

姚宮在驪山下貞觀年置高宗改名溫泉天寶初玄宗改今名有劉琨霞

陳令多作月泉休休齋  
點作點王仍之

蜀王猶古人言休王也  
溫泉生并荒寒可知  
且及對者之不潔也  
此以退之所許尚觀  
其用意之妙

者獻賀幸溫泉賦房昭經理嚴駟藪廣遊  
覽焉

春夕夜啼鴉宮簾隔御花

丘此安祿山陷長安後作故空室無人祇聞明月啼

鴉御花為宮

雲生朱絡暗石斷紫泉斜

丘列子云化人之宮絡以

廉所隔而已

珠玉今朱絡徒具而暗石玉碗盛殘露銀燈點舊紗

斷苔生踪跡又荒涼矣

吳建章宮神明臺銅仙捧銅盤玉盤承雲表之露南

史沈炯祭漢武文茂陵王

雲天子之寶蜀王無近信泉上有芹芽

曾明皇蒙塵走蜀故曰蜀

王寓譏刺意泉上芹

生故宮離黍之悲也

姚厚菴此詩外意甚密而內意未足詩必要內

外意滿李約過華清宮詩云君王遊樂萬機輕一  
此覓家四海與玉輦人天升已盡故宮惟有樹長  
生若林云不但形容離宮荒寂且有規警之風疏

遊樂故霓裳曲奏輕萬機故四海兵興玉輦盡則  
四海兵所致惟有樹長生彼霓裳曲安在哉不特  
意到語到法度亦嚴奉禮解此否  
丘季貞吳融題華清宮三首亦佳中原無鹿海  
無波鳳輦驚旗出幸多今日故宮歸寂寞太平功  
業在山河太姒曰因無肫無波而鳳輦出幸因鳳  
輦出幸而故宮寂寞因故宮寂寞而悔其太平功  
業付之山河存層層節節慨嘆無窮之思其二曰  
四郊飛雪暗雲端惟此宮中落便乾綠樹碧簷相  
掩映無人知道外邊寒登山曰此詩意在言外第  
三句與第二句相應樹簷掩映所以落便乾也第  
四句與第一句相應四郊飛雪所以外邊寒也其  
三云漁陽烽火照函關王輦匆匆下此山一曲霓  
裳聽不盡至今遺恨水潺潺聽不盡三字絕妙見  
佚缺無涯而歡樂有涯也遺恨非但為匆匆下山  
聽曲未終也歡華不滿眼咎責寒兩儀可不懼哉  
以此律長吉優劣見矣  
蔣玄扈崔櫓華清宮詩似更在諸公之上草遮

回蹀絕鳴鑾。雲樹深深碧殿寒。明月自來還自去。  
更無人倚玉闌干。旣簡而切尤有雋永餘味

送沈亞之歌并序

文人沈亞之。元和七年。以書不中第。姚唐人授官旣

以書爲藝。故唐人無不工楷。返歸於吳江。吾

悲其行。無錢酒以勞。又感沈之勤請。乃歌一

解以勞之。曾亞之字下賢。韓愈門人。唐貢士

姚沈亞之出遊爲小輩所試。曰某改令書俗

名兩句。伐木丁丁。鳥鳴嚶嚶。東行西行。遇便

遇。羹亞之答曰。如切如磋。如琢如磨。欺客打

婦不當。費羅又之。邪。憩長安。即舍。夢爲秦穆

公女弄玉壻公主死。應教作挽歌。曰泣葬一

板。紅生同死。不同金鈿。墜芳草。香綉滿春風。

滿陌則花已落也唐人多以落花比下第春風与春卿相映帶

一意作兩層節拍始不拖沓

卷八

五

三

舊日聞簫處。高樓明月。中。梨花寒食夜。深閉。

吳興才人怨春風。下第時也。吳興古防風國。桃花滿陌。千里紅紫。

絲竹斷。驄馬小。古樂府青驄白馬紫絲韁。竹斷馬小。下第景象。家住錢唐。

東復東。歸也。白藤交穿織書笈。古人坐白藤擔子抄書。漢蘇章負笈求師。書箱。

也。短策齊裁如梵夾。二句言今雖下第。其書猶在。如梵夾不釘。用帙夾束而已。姚。

凡書唐以前皆為卷軸。今所謂一卷。即古之一軸。至

裝輯成帙。疑皆出於唐末宋初。雕板之後。然六朝已

有之。阮孝緒七錄大抵五卷。以止為一帙。博雅

雅考亦所當知。短策句疑狀其書寫之工。雄光寶

礦獻春卿。煙底。驀波乘一葉。春卿拾材。白日下。擲置。

黃金解龍馬。

曾四句言才如金銀礦。宜其用矣。就意。乘一葉而歸乎丘。丘上言馬。此言舟出城。

大樓廟

第二時起五六所謂  
并漬不食也

三四 狂言

川騎歸吳典用角也。則以秦卿駟材之謬。黃金棄置之。而龍馬則解放之也。馬八尺以上爲龍。搗笊歸家重入門。勞勞誰是憐君者。吾聞壯夫重心骨。古人三走無摧挫。請君待旦事長鞭。他日還轅及秋律。匠此四句勉之也。管子三走不以爲快也。他日再上春官。剛及秋律。洵不多時。何必怨乎又慰之也。秋律二字。又律書別故。律書云。春官秋律。乃此必屬焉。若蓋奉此新。

長卿懷茂陵。綠草垂石井。彈琴看文君。春風吹髣髴。  
梁王與武帝。棄之如斷梗。唯留一簡書。金泥泰山頂。  
近梁孝王來朝從游說之士。齊人鄒陽淮陰枚乘吳  
莊忌夫子之徒。相如見而說之。因病免客游梁。梁王



既令與諸生同舍矣。乃至數歲而歸。貧無以自業。武帝讀子虛賦。嘆曰。朕獨不得與此人同時哉。然以賦得幸東坡。云賢未能有所建明也。故曰棄之如斷梗。徐云相如棄此二君而死。班固一簡書曾益以爲迨至死。後始求其書用禮泰山。以是知生前之遇不可期。而身後之名爲可傳耳。此解錯甚。黃震曰。相如素行不謹。立朝專是逢君封禪書。正其逢君之具也。賀意以爲死後求書或可以傳示後世矣。乃止云封禪。使後人議其諛事武帝。豈不可惜哉。賀益深惜之也。大抵詠懷或哀或悼。或諷或惜。兼有此體。

鄭詩言

看文君吹琴影傳寫無聊之泥如畫

其二

日夕看書罷。驚霜落素絲。鏡中聊自笑。詎是南山期。  
曾賀年少髮白故自笑豈得頭上無幅巾。曾幅巾卽如南山有臺詩萬壽無期乎。

宋本五江南曲三六

宋本作著

陌金本作脉宋本陌

黃衣已染當棄官以就養也吳後漢鮑永幅巾詣河  
 內註云不着冠但幅巾束首大將軍何進禮待鄭玄  
 甚優玄不受朝服惟服幅巾一宿而去丘華歆為  
 豫章太守孫策略地歆知策善用兵幅巾迎策苦  
 藥已染衣丘鮑炤詩到不見清溪魚飲水得相宜溪  
 清宜飲不宜食耳

○○追和柳惲柳惲江南曲陳壽魏都賦下

汀洲白蘋草柳惲乘馬歸劉就用柳惲句意頗江頭

植樹香岸上蝴蝶飛酒杯若葉露曾薛曜詩酒杯浮

九醞酒號竹葉吳興筍溪溪多生玉軫蜀桐虛丘彈

箭筍南岸日上筍北岸日下筍朱樓通水陌沙暖一雙魚丘上四句言歸時之景也

下四句言歸後之樂

丘季貞

柳惲詞江南曲也古詞蓋美芳晨麗景

嬉遊得時今董云沙暖一雙魚言謝寄書與題何

與錄惲曲汀洲採白蘋日落江南春洞庭有歸客

瀟湘逢故人何人不返春華復應晚不道新知

樂只言行路遠

劉須溪三四開遠漸近

○○○春坊正字劔子歌

魏坊方也人所居之里太子

下坊曰左春坊大唐六典云太子左右春坊

各置正字一人

先輩匣中三尺水

曾李羣國史補互相推敬謂之先

水堪抽用

曾入吳潭斬龍子

吳云荆州河小隈潭

之呂氏春秋荆狄飛涉江亦斬蛟曾云周處長橋際

斬蛟三說今義興屬吳曾說為是斬龍子言其神際

月

言其斜明

露

言其寒練帶白

光

言其平鋪

吹

不起言

蚊胎皮老英華作  
蚊端老皮

直英華作真

莫故一作分明

母英華作姥

柔（姚）劍術劍可藏腦後也（太）石宋尾教隱蛟胎皮老  
張開後腦藏心首而無所傷用卽抽之  
疾藥刺其皮老故刺如疾藥言鵠鵠淬花白鵠尾（鵠）  
鳬而小脊中藥刀鵠鵠同白鵠鵠雉白花文而尾直  
長劍之色似之此言治之精也（董）犀科潔白也  
是荆柯一片心莫教炤見春坊字（丘）董云此言劍之  
如書房裁剪刀之具也劉晏曰天下字接絲團金懸  
皆正雅有朋字未正上有春坊字也  
麗殺（首）而以絲劍織團金懸麗絲之製以金飾神光欲  
截藍田玉（姚）越王以白牛馬祠昆吾神採金鑄八劍  
應心方之提出西方白帝驚歎鬼母秋郊哭（曾）未  
氣鑄之者試耳試一提  
具衆美弟未試耳試一提  
出白帝鬼母且爲之哭矣

劉須溪雖刻畫點綴簇客而縱橫用意甚嚴。身劍室紋理刻字束帶色雖無一毫犯仍不妨句意春容俯仰秋郊語甚奇不厭再言。

朱卓月詩僧齊已於瀉山松下親遇一僧于頭指甲下抽出兩匹劍跳躍凌空而去予于閩中亦曾親見有此乃知練帶平鋪之解不行萬里路不可以註書也。

貴公子夜闌曲

裊裊沉水煙

曾通考沉水香出林邑國。舊雜俎云。唐

唇曰薰陸。擇香水之曲幹以刀斫成坎。經年待雨水具香結為班點。又名鴝鳩班。烏啼夜闌

景曲沼芙蓉波腰圍白玉冷

北師不可得詳王介甫作謝玉帶表缺一故

實一門下客曰何不用虹玉圍腰語介甫大喜即用之。見高氏緯略。但夜闌而用此飾恐不稱其服。更詳

之。

劉須溪落句不必可解而得之心自灑然述似亦其偏得之形容夜色也。

雁門太守行

姚古今樂錄題有此載王煥字稚子少好俠尚氣力晚改節敦儒學

除溫令計擊奸猾境內清夷商人露宿于道  
遷兖州刺史繩正風部聲威大行還為洛陽  
令病卒百姓相與奠醢以千數皆談繫按送  
喪每食輒絃歌而薦之賀用此題想以頌愈  
功德而兼以寓壯勇之意云爾故幽開鼓吹  
云賀以歌詩謁韓公時公送客歸極困解帶  
讀之首篇乃雁門太守行即束帶見之不然  
賀初獻詩時何首句鍾用城鼓催來句又云  
為君死也雖然玄宗遊華清宮劉朝霞獻幸  
溫泉賦後有叩頭莫五角六張之句帝命改  
去朝霞奏云此賦似有神助不煩從天而改  
上顧曰真窮薄人也偶筆此以進人之初見

陳壽曰日月何日何月  
既月何日何月

至六月月何日何月

黑雲以狀兵至而壓  
上也向月本設月為  
攻戰第四戰戰血  
戰地

而當知  
詳者

北史周師圍晉陽四合如黑雲

黑雲壓城城欲摧

晉書云凡黑雲四起為  
天羅之象主將傷賊圍城必破

甲光向日金鱗開

魏王安石曰是兒言不相副方黑  
雲如此安得耀日之甲光也予云

穉郎生平執拘如此冬際日落一面黑雲一面紫日  
如此景不少安得云無況今天道窮剝每占望氣色

不合製謠四民月令亦有所不足憑矣可泥乎角聲  
哉吳云乃城氣知不然者既云雲矣安得云氣角聲

滿天秋色

塞山光與玄女戰帝始為角作龍鳴以  
禦之軍中置之司昏曉故角為軍樂

李衛公兵法角十二聲為一叠

塞上騰脂凝夜紫

有此一語方暢勢危吹角愈急  
塞上騰脂凝夜紫

旗臨易水

晉書云燕脂之綴氏以紅花作故曰燕脂  
半捲紅

旗臨易水

捲臨易水之上更此等景不可無  
霜重鼓

今作實不如此  
 陳以霜在鼓一什珍  
 不始作實不始牙時起  
 十二此  
 玉龍英華作玉環注  
 云一作弩今從文粹  
 久轉作霜重鼓聲  
 寒不起

寒聲不起而眾方擊鼓竹氣思以禦敵也報若黃金

臺上意提攜玉龍為君死龍形之劍以報燕昭謂千

下之厚意也  
 戶黃金門延天

劉須溪起語奇賦雁門著紫土本嫩後三語無  
 悲生氣設為死敵之意偏欲如此頗似敗後之作

蕭五雲此詩頗類雁陽激颶將士詩接戰春來  
 苦孤城日漸危受圍如丹雘分守若無麗屢厭黃

塵起時將白羽揮裏瘡猶出陣飲血更登陴忠信  
 應難敵堅貞諱不移無人報天地心計欲何施雖

忠勇如此

大堤曲作大堤曲出千襄陽樂宋隨王誕之所  
 作也誕為襄陽郡夜間諸女歌謠因而

作之有朝發襄陽城暮至大堤宿大堤諸女  
 兒花艷驚郎山之解



妾家住橫塘。吳橫塘在淮水南西有查下酒紅紗滿桂香。紅紗窗也

春華秋青雲教綰頭上髻。明月與作耳邊瑤。瑤耳也

漢曰桂連風起江畔。春大堤上。留北人。郎食鯉魚。

明云耳着尾妾食猩猩脣。魏妾食猩猩脣。知不然者。魚經鯉不

相食。最為魚主。且無大無小。從頭至尾。必三十六鱗。

段成式詩三十六鱗充四時。數番猶得裏。惜思蓋取

其情也。武平志。猩猩。顏容。瑤。子。音聲。妙麗。如婦人對

語。問之。無不酸楚。食猩猩脣者。以喻郎有情。妾存色

式相好也。其曰味最美。引川宜其食魚。必河之鯉。莫

呂氏春秋。肉之美者。猩猩脣也。亦淺薄無意味。莫

指襄陽道。綠浦歸帆少。曾指襄陽道。則不今日暮蒲

花明朝。楓樹老。吳舊蒲花。實有為瑞。故王義慶曲

可憐。問名未相識。五嶺之間。

多極歲久則生癰瘻化書老根化為羽人（龍葛蒲）又一名蘭蓀故今日每狀其少也（劉）二句甚言時景之不留有願見之思有微憾之意也

蜀國絃

（丘）梁簡文帝四絃曲相和歌辭

楓香晚花靜錦水南山影

（曾）本草云楓香一名白膠其脂入地千年成琥珀（丘）

成都南立錦官（猶）合浦珠官也（錦）工織錦則濯之江

流而錦至鮮明濯以沱江則錦色弱矣（曾）楓香着花

至晚而靜南山之影倒（驚）石墜猿哀（曾）驚石裂石（姚）

卧錦水中蜀之狀也

晴初霜旦常有高猿長嘯聲引與空谷傳響哀轉

久絕故漁者歌曰巴東三峽巫峽長猿鳴三聲淚沾

裳（猿）猿者江石口深林老樹猿猴疊掛竹雲愁半

樹間也徐文長云形容蜀絃之聲頗穿鑿

（姚）唐獨孤及笮橋贊曰相引一索人緩其上如徐

嶺之縛轉帖入淵如鳶之落尋撞而上如魚之躍頃

刻不戒實無底鑄故曰愁半嶺也范成大詩纖筆勻  
鑄面非繩強架空此矣徐文長云絃哀竹雲亦愁亦  
附會何必焰管絃字簡文涼月生秋浦玉沙翻光  
盧思道作豔管絃字耶涼月生秋浦玉沙翻光  
曾涼月從晚來既晚則月誰家紅淚客不忍過瞿塘  
生月生則沙明而可鑒  
丘紅淚卽飲血沫血之肯曾解用薛靈芸淚唾壺凝  
血事太洗姚樂府解題瞿盛也唐陂池也又云夏則  
爲瞿冬則爲唐白帝城西有孤石冬出水二十餘丈  
夏卽沒秋時方出李膺益州記瀘瀘堆猶豫言舟  
子取途不火水脉故猶豫也南史云淫豫大如襍瞿  
唐不可觸類要云瀘豫大如龍瞿唐行舟絕瀘豫大  
如龍瞿唐不可窺又歌曰江頭白淨堅相持倏忽淪  
沒別無期故范成大吳船錄云盤渦漫頂謂之瀘瀘  
撒鼓搖櫓者皆汗平死心而無人色帥司遣一卒執  
旗下一舟平安則旗以招後船峽難險惡釜鑿痕  
纖纖然而黑所謂茶槽者淦沒草木謂之青草齊皆  
不可行也瀘視是景物吟是哀絃淚應心零故不忍

李太虛

陳年久作夕月同

通也

李太虛

梁簡文銅梁指斜谷道蜀之盛此言蜀

道之難題一也所謂不同

斬茶坡陳陰鏗有蜀道難輪推九拆路驛臨七

是橋蜀道難如此功名詎可要乃知雅此為洗發

也

○○○蘇小小墓

丘古樂府梁武有小小歌我乘油壁車郎乘青驄馬何處結同心西陵松

下

幽蘭露如啼眼

劉勰是無物結同心煙花不堪剪

何有所本紫玉死韓重往見玉形見盡夫婦之情贈

之徑寸珠重游吳王說其事王大怒收重玉忽見王

申理不為發冢夫人聞之出而草如茵松如蓋風為

抱之正如燭然烟花不堪剪也

裝水為佩油壁車久相待冷翠燭勞光彩如茵松偃

一

一

二

下兩二字叶

風吹雨金本作風雨晦

昌谷集

卷一

一

而為益風裳而水佩壁車相待而不來董西陵下音

風吹雨風雨相吹又何影響

丘季貞樂府多長短句

開再彭梁武小小歌此作小小蔡題不同而幽

明迥別真陳王之洛神屈子之山鬼也

劉須溪古今鬼語無此慘淡盡情本于樂章而

以近體變化之故奇澗不厭冷翠燭勞光彩似李

夫人賦

吳西泉參差苦澗無限慘黯若無同心語亦不

為到家此蘇小小墓也妖麗閃爍間意故不欲其

近洛神賦耳

一夢天陶侃夢生八翼飛而上天

老兔寒蟾泣天色吳春秋元命包云月闕也月陰也

蟾蜍陽也而與兔並明者陰陽燮

前字即是月輪  
中有地影之說

屏明陽之制陰陰之倚陽也  
雲樓半開壁斜白  
蟾蜍皆四足表陰之類其數偶  
遺記崔乾祐見月現半天瓊樓  
玉輪輒露溼團光  
王字滿焉蓮半開半為雲掩  
靈輪為驚珮相逢桂香階  
四五月桂子今江東諸處每  
狸豆破之辛香古老相傳是月中下也垂拱中天台  
桂子落十餘日宋天聖中秋餘杭靈隱寺桂子落共  
繁如雨樂天詩遙想吾師行道處天台桂子落紛紛  
僧式公種之林下後移植白猿峰遂改回軒亭為月  
桂亭黃塵清水三山下  
吳即蓬萊清淺更變千年如走  
馬吳白駒遙望齊州九點烟  
曾列子云湯問夏革曰  
州也齊州一泓海水杯中瀉  
徐從天上望之猶齊  
猶中國一泓海水杯中瀉  
世界之小如此  
李太虛宋二句是夢天語  
劉須溪其為仙人口語亦不甚費力

陳季子有存杜幽  
三品者授補局

唐兒歌

吳

諸本皆作唐歌兒非莊所編又玄集

一字歌中濃笑書空作唐字則唐兒明矣按

唐書杜黃裳封衡公辛後數年御史劾奏黃

裳納高崇文四萬五千緡黃裳子載辭服帝

念舊功原載不問此所謂唐兒者耶抑載尙

有兄弟耶杜琮亦封衡公然在宣宗後長吉

死久矣

頭玉硤硤眉刷翠

起刷翠眉秀

杜郎生得真男子

曾男子任

骨重神寒

天廟器

寒合秋水又云寒則不

功業者也

骨重神寒

天廟器

寒合秋水又云寒則不

昏而神清然

骨重神寒

天廟器

寒合秋水又云寒則不

不自清近于仙

骨重神寒

天廟器

寒合秋水又云寒則不

竹馬梢梢搖綠尾

曾

管王璣云小兒五歲日鴈銀鸞

聯音

光踏半臂

正銀鸞絃銀爲鸞其光彩閃映踏

十半臂之上矣

光踏半臂

十半臂之上矣

子隋內宮多服

光踏半臂

子隋內宮多服

陳中七位多一事  
曰老懷也

半臂蓋長袖唐高祖滅其袖謂之半臂鄭愚以錦東  
爲半臂後以所業見崔鉉鉉曰真清得錦半臂  
家嬌娘求對值姚濃笑書空作唐字丘書空用殷浩  
而吳本作画空留書眼大心雄知所以莫忘作歌人  
作唐字喜其笑也

姓李

丘季貞濃笑書空作唐字不獨唐兒笑後而東  
家亦所謂之嬌女

姚犀菴眼大心雄龐節之甚非惡也自附于六  
七歲兒而希其後日之不忘其情節其詞理

綠封章事

爲吳道士夜醮作吳李肇翰林志云  
詔用白藤紙慰撫軍旅用黃麻紙

詞用青藤紙朱字則綠章青詞也文章緣起  
云魏相奏霍氏專權始爲封事言事不可離

封緘秘密也道  
家有伏章法



案本陸字下注一作漢陸字注

金本冷

青霓扣額呼宮神。鴻龍玉狗開天門。丘青霓青詞也。假霓之勢。李白

詩云以額扣關。關者怒。又額門。額今獸面。叩門。額而

啓焉。鴻龍。曾以爲聲也。昌谷詩。鴻龍數鈴響。玉狗可

天門者。予以爲不然。鴻龍玉狗。即九關處神也。石榴

道家有九色玄龍。吳漢樂歌。天門開。談蕩蕩。石榴

花發。滿溪津。溪女洗花染白雲。丘維時首夏。榴花開

之雲。自白變赤。不猶溪女洗花以染而同一血色者

乎。非也。醺壇香潔。必有靈妃散花。金童揚煙。洗花者

汲水供花。白雲者。溪上白氣也。吳云白雲纔素。綠章

屬言取紅。榴花以染之爲服也。亦不切醺壇用。綠章

封事。諮元父。神仙傳。東方木公曰。六街馬蹄浩無主。

六街路六達也。置爲道士作。虛空風氣不清冷。短衣

醺。故無主。猶言衆係福也。此下衆說皆實。實據吳西泉說。自虛

小冠作塵土。此下衆說皆實。實據吳西泉說。自虛

非清平之時短衣小冠之士混爲塵土富貴如金張  
貧賤如楊雄榮枯不等甚也故願招揚子之魂無使  
恨于地土則風氣指世界之風氣而短衣小冠則指  
都人士也據徐文長說此夏時旣自不清冷而車馬之  
浩蕩雜沓至于激發塵土以助其不清冷則風氣指  
夏時之風氣而短衣小冠則卽車馬之短衣小冠也  
予下文不貫排曾益說雲方達勃于上馬蹄交錯于  
下上下下鬱蒸虛空無清冷之風是以疫癘盛作而衣  
冠之士化爲塵土是短衣小冠亦汎指都人士而所  
謂疫癘盛作者詳玩上下無其夾乃增出也此下文  
蓋卽天問之意此爲吳道士而爲之熊董云短衣小  
冠指吳也楊雄質自北也蓋虛空風氣常清冷如道  
士則當延年長生而爲神仙奈何當清冷而不清冷  
遂使吳道士者短衣小冠遽化爲塵土也吾是以與  
衆齋客虔心請問人等耳而何以全張獨富且貴何  
以楊雄貧賤獨苦道家固有開功受錄之法依陰陽  
五行數術推人年命書之如章奏之儀并具贊幣燒  
香陳讀云奏上天曹消災度厄則書鬼定當同等富

貴而必不以恨骨填蒿里矣。如此則上下交一家香  
既一貫而于絲毫封爭題亦深切而著明也。金家香  
衙千輪鳴楊雄秋室無俗聲。願攜漢戟招書鬼。休令  
恨骨填蒿里。姚無俗聲。則清雅矣。又有何恨。于恨骨又不貼書鬼無謂。

河南府試十二月樂詞并閏月  
靈臺十二月詩名以其

月祀奏之。古樂府月節折楊柳歌。自正月至

十二月及閏月。今長吉倣此作。曾河南府

秦三川郡唐武德初。許州號明經俊秀州縣  
試取合格者。每十月入貢。天寶十三載試詞  
賦樂府有月  
節折楊柳歌

正月

上樓迎春。新春歸暗黃。着柳宮漏遲。  
丘聲下歲時記元日御樓景龍

文館記中宗正月七日上帝清賜國書  
金絲人勝令學士賦詩宗楚客詩  
漢間九重中禁落七夕早奉還隋文嘗于正月十五  
日與近臣登高元曾不在即令曉召曰公與外人登  
高不若薄薄淡霽弄野姿寒綠幽風生短絲錦牀曉  
就朕也

卧玉肌冷婉不露臉未開對朝暝徐花官街柳帶不

堪折早晚舊蒲勝綰結五暗蒲黃幽短未甚著也官

依之正月歌有折楊柳愁思滿腹中歷亂不可數之

句延呂氏春秋冬至後五句七日首葉生乃耕舊者  
百草之先生也于是始耕

蕭五雲儲光義詩云蒲葉日已長杏花日已落

農人要在此貴不違天時一結得此乃知詞人正  
未嘗不留心民事也

宋本無二月字  
以注注本補二月二字  
仁悅所上 已事未補

潤笑人謂女微蘭  
之期也

二月

飲酒採桑津

曾李肇國史補唐德宗以二月為中和節李泌請以是月王公戚里上春服民

間婦女以是日歸外家村社作中和酒祭勾芒祈年穀聚會宴樂河東屈縣有採桑津

宜男草

生蘭笑人

姚新唐書是日以青囊盛百穀爪葉種相問遺謂之戲生子貞元詔春方發生侯維

仲凡勾萌畢達天地同和俾其胎蘇宜均暢茂故獨云宜男草也本草云萱草亦名宜男周處風土記婦

妬佩此久蒲如交劍風如薰古歌云蒲抽波勞勞胡燕

怨本春燕燕與春意之濃如酣醉胡薇帳逗烟生綠塵

猶憶金翹義髻愁暮雲沓颿起舞真珠裙鮑照珠履颿香執

袖飛真珠佛貫珠千種猶杜甫詩真珠絡臂襦也二句董云承上怨字而言津頭送別唱

薛存縣作據十撰字  
作時

流水

曲名

酒客背寒南山死

丘言寒則客傷死徐解大

山言不死也南山可死况酒客乎曾云山南曰陽日落則陰而山死此言是也但南山而云死不嘉祥此處免用此字為佳

○ 三月

曾漢儀季春上巳皆禊于東流水上沈約宋書云魏以後用三日

東方風來滿眼春

丘春日花城柳暗愁殺人復宮深

殿竹風起

新翠舞衿淨如水

劉皆非衆人所識謂竹也 光風轉

蕙百餘里

曾爾雅云日出而風曰光風楚 暖霧驅雲

撲天地

丘自百餘里至撲天

軍裝宮妓掃蛾淺搖搖

錦旗夾城暖

魏石虎皇后出女騎千人皆着五綵靴明皇與貴妃每至酒酣使妃子徒宮妓

百餘人。帝統小中貴百餘人。排兩陣。掖庭中目為風  
 流陣。以霞被錦被張之為旗幟。軍裝宮妓有所自也。  
 隋煬西苑。上世祿飲帝引宮人三五千騎。作清夜遊  
 之曲。一時布兵夫周匝。而有七十萬人。爾雅云。素  
 錦。綢杜注云。以白地錦。緡旗之竿也。甘泉賦云。振殷  
 鱗而軍裝。元張翥。螢苑曲。軍裝小隊。皆美人。西龍鶴  
 汗金。曲水飄香。去不歸。梨花落盡。成秋苑。吳東晉云  
 麒麟曲水  
 已置酒河曲  
 因名曲水

四月

翻用晚涼暑涼微出漸暖巧變第二尤如畫

曉涼暮涼樹如蓋。西京雜記太液池洲上有  
 樹一株望之童童如偃蓋千山  
 綠生雲外。傅玄述夏賦云四月維夏  
 草木鬱其條長正謂此地依微香雨青氛  
 氤膩葉蟠花炤曲門。大也金塘開水搖碧漪老景

沉重（姚）無驚飛墜紅殘萼暗參差（姚）既是膩葉蟬  
句

○五月

離玉押簾額（吳）漢武故事以白珠為簾玳瑁押之古

輕穀籠虛門（姚）漢章帝詔齊相省米統方空穀吹綸

言吹噓可成亦紗也籠虛門簾幌之屬并汲鈇華水

扇織鴛鴦紋（本）草云井華水平且第一汲又云鈇丹

織扇以回雪舞涼殿（舞）若迴雪甘露洗空綠（露）華洗

天未炎赫也羅袖從迴翔香汗沾寶栗（丘）微汗如栗

猶碧落也



諸家解錄寶珠劍一本注孟夏景已老昨鳥殺李尼之時如。果。汗沾之也。  
批此句當指日駁漸遠

六月

裁生羅伐湘竹曾為帳帔拂疎霜簾秋玉楊雄方言陳魏間謂

裙為帔楊妃外傳云妃進見初帝授以玉竹冰紋簾

六月天炎不便襪襪著帔卧簾此其宜也桃梁簡文

荅定襄侯簾啓云自含蒼紫似久暴于柯亭作師

黝素若屢沾于湖水三伏餘光九折成用此事也炎

炎紅鏡東方開暈如車輪上徘徊啾啾赤帝騎龍來

啾啾衆聲古詩云

祝融南來鞭火龍

七月

星依雲渚冷丘星牽牛織女也一依河之露滴盤中

刺一依河之西雲渚天河也

圓曾漢書武帝作仙掌擎露盤張衡賦好花生木末

董楚詞皋英衰蕙愁空園曾李白詩空夜天如玉砌

丘月天宮殿起世經云純以天銀天青而相間錯非

獨如之也方丈洲有金玉琉璃之宮穆天子傳云王

為盛姬築臺池葉極青錢徐極字無人能下言荷葉

物以白玉僅厭舞衫薄稍知花簾寒曾勾延曉風何拂拂北斗

光闌干曾古善哉行月沒參橫也

八月曾古樂府有嬌娥怨曲注云漢人因中秋

蟪妾怨長夜獨客夢歸家傷簷歲緝絲曾緝絲向壁

燈垂花匠乾鵲噪而行人至蜘蛛集而嘉簾外月光

吐。簾內樹影斜。姚無味。悠悠飛露姿。點綴池中荷。

○ 九月

離宮散螢天似水。姚隋煬帝于景華宮求螢火數斛

大儀鄉有螢苑杜牧之有秋風放螢苑春日關雞臺

之句而張翥螢苑曲云騎行不用燒。經蜀萬點飛螢

炤川谷。又曰霧草無情却有情。年年為炤雷塘墓。竹

可據也。然予以為九月無螢不宜入在九月內。黃

池冷芙蓉死月綴金鋪光脈脈。曾三輔舊事云金

鋪首以叩珠環也。涼苑虛庭空澹白露花飛飛風

草草翠錦爛斑滿層道。曾飛飛草草風露凄

唱曉。瑞璫鴟啼金井下疎桐。姚雞人屬春官夜夜呼

月中何也。九月夜始長。諺云寒雞半夜啼。夜漏未盡之時。卽啼。且以警起百官。而使夙興。亦有黨烈悲嚴之意。故詩人及之。鴉啼。曉下井闕。天始曉也。

、十月

玉壺銀箭稍難傾。

先王分十二時。于一晝一夜之間。以漏箭準十二時。而爲百刻。分

晝夜。定長短焉。冬則水凝而漏不下。故挈壺氏每于冬夜。以火爇鼎水。入十月。中知所謹也。漢法以器盛

四十一箭。箭各有刻。以壺盛水。懸于箭上。節而下之。水淹一刻。則爲一刻。四十八箭。取倍二十四氣也。

稍難傾。夜長也。玉壺銀箭。美之也。吳簡取其浮若銀爲之。無浮之理。張衡渾儀制云。以玉虬吐漏水入兩

壺。銀花夜笑。疑幽明碎霜斜舞上羅幕。燭龍兩行。炤

飛閣。除此燭龍是珠帷。夜卧不成眠。金鳳刺。威音衣。

陳齊雜詩  
夜作愁  
王同

落李詩作御天泉  
作漢

着體寒。長眉對月鬪彎環。吳張籍樂府玉階羅暮微有霜碎霜也燭籠左右列  
成行。作籠陳後主回眉對月鈎徐不成眠故起而對  
月。金唐明皇幸蜀令画工作十眉圖有斜月之名。

十一月

宮城團迴凜嚴光。吳不白天碎碎墮瓊芳。搗鍾高飲

千日酒。戰却疑寒作君壽。御溝泉合如環素。姚不遇

也。火井溫泉在何處。吳博物志劉玄石醉死葬之酒

井在蜀臨邛又博物志凡水源有石硫黃則泉溫溫  
泉略記天下有十九處

十二月

日脚淡光紅灑灑。薄霜不銷桂枝下。依稀和氣排冬

詩

嚴已就長日辭長夜丘所謂冬至後日紅線添長

告辰微陽始布正其時矣

閏月

丘今歲何長以閏月言也來歲何進以再

帝重光

吳古今註漢明帝作太子樂人歌四章贊德一日日重光二日月重輪三日月重輝四日

海重年重時七十二候廻環推丘歲書云五天官玉

琯灰凋飛

曾律曆志云候氣之法為室二重以木為案加十二律琯于上實以葦灰氣至則灰

飛丘隋志今術開元發統肇自丙寅庶徵戾重無失寒燠之宜灰箭飛浮不爽陰陽之度是也今

歲何長來歲遲王母移桃獻天子姚以小說玉母所

謂補袖義氏和氏迂龍轡和氏丘曾云以致祝也義氏與而舞者

蔣玄扈以數推氣以氣定朔以星正時以閉成  
歲軒后至聖始啓履端之業容成詣業復就歸條  
之經此迴環推者也。不外此數言矣。  
朱卓月諸詩大半閨情多干宮景婦人親負鍾  
情最深三百篇夏日冬夜有不自婦人口出者乎  
以此開詩可以怨矣  
張翥恭十二月皆厭也而光風轉蕙雕玉押簾  
不可不謂之雅過鍾高飲義和迂轡不可不謂之  
頌一詩而風雅頌備  
丘季貞十二月歌非府試始也四睢白紵沈約  
五章武帝造後兩句已具此意矣但自紵盛舞  
者之美宜及芳時為樂皆有舜日堯年催無極句  
此詩哀苦處多本非一體可賤  
姚辱恭畢竟此題何妨曰妨曲厭也。之非二  
之曰歲德備矣九月十月歲功成矣女心傷悲則  
閨怨之始也遲遲非貽凄凄是涼則三感之端也  
且歲字之義有以天時一周而言者何以卒歲是  
也。有以正朔所記而言者十月而謂改歲者是也

初宗本作深

英華作山安姝女

集作左處北質院  
陸本施外版

蕭宗本作室

大夏書有怠棄三正之語。則自夏以前已存予丑  
之正則是。閏月通于民俗其來也遠。予笑謂季貞  
吾以斷風旨。應誠有不作解額者否。惜乎大道日  
前皆是。而人不察也。

○○天上謠

桂光永落而已。採春採春未畢而已。卷羅衣方卷  
而已。初實甚言四時代謝之速也。

天河夜轉漈迴星

丘。天河水氣也。其精光轉運于天。  
又隨天而轉入地下。過出抱朴子。

河轉則星漂而雲流。天河派銀浦流。雲學水聲。蓋流雲  
總名下銀浦。則河別派。銀浦似重複長。

無聲故曰學。劉。天河銀浦似重複長。玉宮。廣寒桂樹  
吉此類亦多要為疎簡。選詩多有。

花未落。仙妾採香垂珮纓。香山則矜纓佩容臭。秦妃卷

簾北窗曉。吹簫者。窗。前植桐青鳳小。丘。簾窗皆指天

故桐初植故小。吳。西蜀有桐花鳥。王子吹笙驚管長。

似鳳。丘。口倒掛綠毛么鳳是也。

採春宗  
本作林  
有  
食宋本  
作拉



陸本唐作  
 王心唐作  
 知唐作  
 英華作有  
 思以買  
 思謂作平  
 原君之語  
 求之英華  
 為是

吳列仙傳周靈王太子晉善吹笙為管謂笙竹參差  
 似鶩管也博異志仙人詩云元君夫人踏雲語吟風  
 颯颯吹呼龍耕烟種瑤草丘瑤草植于天上而呼龍  
 驚龍也呼龍耕烟種瑤草耕之并與象耕鳥耘不同  
 粉霞紅綬藕絲裙曾粉霞紅綬仙官也精絲裙妃妾  
 執絲施之節佩金剛靈璽戴天真之冠侍女年可十  
 六七服青綾之袿是也漢官儀綬佩印之組秦以素  
 組連結于璚轉青川步拾蘭茗春爾雅云東指義和  
 相結受謂之綬青川步拾蘭茗春爾雅云東指義和  
 能走馬海塵新生石山下曾言歲月之疾人世之幻  
 矣天上之樂差勝而永久也結乃海中行復揚塵之  
 意  
 有歌  
 歌梁元帝云歌有清歌高歌緩歌安歌長  
 歌浩歌雅歌酣歌怨歌  
 姚白石詩說放情曰歌

起從滄海揚塵之  
急翻來其原則高  
岸為谷深谷為陵  
也

至威能招人夏而  
亦莫逃死生常  
理沙甚

陳希聖作註

漢武帝欲子歌功  
無已時兮吾山平  
如浮流水漸山使  
示也發端本此  
亂舞一作浪飲

南風吹山作平地（桃）浩歌即人言也宋玉大言賦并

客上故賀欲令山平海夷而田夷得意也劉從南風

起一句便不可及佚蕩宛轉真俠少斗之度忽顧美

人情境俱至妙帝遣天吳移海水（天吳）河伯名王母桃花

處不必可解千遍紅（王）王母進蟠桃七枚曰此桃三千年一

咸幾回死（先）此死字押得奇妙彭祖姓錢名鏗歷虞

采藥長生蓋既太平又青毛驄馬參差錢（爾雅云青

多壽此其所以樂也（湖）毛驄馬參差錢驪驕驪樂

府鐵鑾金嬌春楊柳舍細烟（桃）止乘

面青連錢（嬌）春楊柳舍細烟驪春遊

厄（又）念情聲酒神血未凝身問誰

飲（金）屈酒器都護（丁）都護勇猛士也宋高祖每欲除異已

飲（丁）都護勇猛士也宋高祖每欲除異已

飲（丁）都護勇猛士也宋高祖每欲除異已

飲（丁）都護勇猛士也宋高祖每欲除異已

飲（丁）都護勇猛士也宋高祖每欲除異已

飲（丁）都護勇猛士也宋高祖每欲除異已

宋本驄

一作浪  
一作問

髮一作髮深一作新  
又作省見秋眉換  
新綠

昨樂府所謂平都護也而以賀觀之直不肯與之浪  
飲也姚又宋高祖安夫徐達之為晉乾所殺高祖使  
都護丁昨收葬之達之妻呼至閣下自問殮葬事每  
問輒嘆曰昨都護其聲哀切後人因其聲廣其曲有  
督護初征時儀亦惡聞詩願作石尤風四面斷行旅  
李白歌云一唱督護歌心摧淚如雨也黃黃生云浪  
歌丁都護之曲而飲也本無主俗無世上英雄本無  
知己也故欲買絲云云以遺知已耳  
主買絲繡作平原君有酒惟澆趙州土姚世上人英  
都護何足稱哉買絲繡平原有酒澆趙州乃吾之志  
也其言如此乃留云無論都護即好客如平原而今  
安在哉吾但買絲繡之以酒澆之而已多  
轉非文氣不直姚絲繡即金鑄范絲之意漏摧水  
咽玉蟾蜍姚故人當樂即樂莫待  
夫人鬢髮如雲本謂髮膩滑也而髮薄不勝梳則似  
崩秃矣衛娘亦杜撰黃黃生云即翠滑寶釵簪不得

補州二所集四

世上本二十

看見秋眉換新綠世上男兒那刻後

秋來

桐風驚心壯士苦表燈後緯啼寒臺誰夜古箇一編素不  
遑花露新雲露思牽今在腸痛直雨冷香兔吊平家秋  
續思唱罷家話恨血千年土中碧

希子款

明月二字從金本宋同

洞底明月千里除風雁啼天在水外多落蒲石上紅湘神彈  
琴迎帝山頭若桂吹古者雌龍怒吟寒水光沙浦走魚白  
石郎閑取真珠擲龍卷

即送四日

鬚一作髮  
 又作省二目  
 新錄

古今平  
 英華作  
 今太平

秦王飲酒  
 秦王勝虎遊心  
 知光照空天  
 自碧義和敵日  
 玻璃初初

黑石間東方朔此劫燒之餘灰也龍頭瀉酒邀酒星  
飛盡言欲一世二世至萬萬回也  
丘阿房宮車行酒騎行炙酒器刻為龍形廣州有龍  
頭端天文志酒旗三星無非狀秦之雄鷲地龍頭一  
飲自可數千人秦人金槽琵琶夜棖棖  
語有天帝醲泰暴金槽琵琶夜棖棖  
琵琶以獻其槽邏皆極極為之溫潤如玉有金縷絃  
交影成雙鳳楊妃每奏音韻凄清聽如雲外曾古詩  
棖響聽洞庭雨脚來吹笙  
金槽優人之屬徐云雨脚以吹笙而來董云雨脚即用巫  
山事未知孰是姚秦始皇浮江至湘山祠逢大風雨  
問曰湘君何神博士對以堯二女于是怒頰湘山今  
云洞庭雨脚來吹笙是雨脚亦為之斷矣蓋狀其暴  
亂之心志直欲酒酣喝月使倒行  
如此而後快也酒酣喝月使倒行  
夜棖棖曾云銀雲櫛櫛瑤殿明宮門掌事報一更  
不令曉是也

書 英華作俄

隱 李法休書信曰房考  
北史中喻疑北

雲梯櫺曉也史記三神山黃金白銀為宮闕望之如  
雲明曉光入也報一更不敢言曉也秦制郎中令掌  
中殿門大府六典云宮門郎掌內外宮門鎖鑰之事  
姚報一更非也當作曉更之更報一更更鼓已報完  
矣而花樓玉鳳猶嬌憊也連下讀始見花樓玉鳳聲  
不然始皇之暴果天明報一更乎  
嬌憊呼笙歌之聲也海綃紅文香淺清人纖綃紅  
文唯慢扇香淺清久而欲盡也姚不是楊諸院設火  
山數十盞沉香木根每一山焚沉香數車火暗則以  
甲煎沃之焰起數丈一夜中用沉香二百餘乘甲煎  
二百斤盞存久而欲盡之理大約帷幔之中又別有  
異香其香淺清者黃鶯跳舞千年觥舞黃鶯金鶯作  
蓋亦欲為眠計也黃鶯跳舞千年觥舞黃鶯金鶯作  
跳舞二字當為娥非也舞名有鴻翥集羽之稱古之  
學者有法驚以驚能轉旋其項又似舞也千年觥上  
壽仙人燭樹嶠烟輕清琴醉眼淚泓泓吳葉廷珪海  
也

青  
青  
青  
是  
神  
女

燭樹似梧桐其皮枯剝如桂以爲燭可然數十刻秦  
中炭時記云金吾以樺燭槐宰相亦水皮可爲燭者  
燭樹如燭烟輕或以燭漬樹也（曾清琴諸樂罷而彈  
琴也泓泓醉眼如水也蓋有所刺之辭也  
吳杜陵更更歷也更五而點二十五古詩二十  
五更秋點長未有更二十五點而僅報一更者故  
楊龜山曰詩極難卒說大抵須要人體會  
劉須溪喝月倒行狂言無當而布其理  
唐肯堂伏知道從軍五更轉有一更至五更詞  
其後隋煬帝效之作龍舟五更轉乃知宮正掌王  
宮戒令早夜有傳呼之  
詞決不敢誤報更期也

○洛姝真珠

珠

洛河南府洛神賦或採明珠或拾翠  
羽故名又唐撫言牛奇章有妾名真

真珠小娘下青廊

青大寥廊也（鮑真珠小娘四字洛  
雅氣石季倫三斛真珠買梁氏

青  
本  
清  
宋



言是天人及為國色也

李名此後世作月日  
考以微字  
疊柳言盛損柳  
眉也

昌谷集

卷一

香

苑香風飛綽綽詩洛陽有平樂諸苑丘沈約洛陽道

日開趙舞隨風塵領上蒲葭繡腰中寒髮斜釵玉燕

令歡綺佳人殊未來薄暮空徙倚高樓唱月蔽懸

光言吳洞冥記趙后玉釵化為白燕瑞所以蘭風桂露苑中灑幽翠紅絃裊雲咽深

思彈絃也咽深思生下數句吳紅絃瑟花袍白馬不

歸來濃蛾疊柳香屑醉倚檻春心醉因所思之人不

來故濃眉如柳疊而盛而香屑紅金鶯屏風蜀山夢

也心熱故屏赤素問云諸血屬心金鶯屏風蜀山夢

風十二牒如屏十二扇也徐以屏風圍之而睡夢

神步也金鶯未許石崇金釧屏鸞裙鳳帶行烟重

風刻面禽鳥蜀山巫山十二洲

陸年總之存版  
王仍仁腹

行雲以裙  
帶故重  
八總  
龍是  
金差  
多  
要作  
題  
龍紹  
諸明  
戶  
八  
龍籠日日色射臉  
從臉移也  
雅不雅  
日絲繁散  
懸羅洞  
來  
羅籠日  
日  
從羅入則成絲矣  
近則日絲繁  
市南山陌無秋涼  
悉  
遠則日絲散故曰懸羅洞也  
春也市南山陌又言別  
家也不指真珠家言  
楚腰衛髮四時芳  
丘足上無  
玉喉  
徠徠排空  
徐家言  
楚腰衛髮四時芳  
丘足上無  
遇雲曳雪白雪山  
美牽雲曳雪似言衣裳  
雅兩解皆  
通然四字累甚  
徐陸郎即陸賈他曲有陸郎去矣  
乘斑雅是賈故也  
董小娘當是倡耶  
花袍自馬指舊  
而陸郎指新耶  
置陸賈在南中倡家多謂之  
雅初看  
似前後文不貫串  
所以有董公花袍自馬指舊而陸  
郎指新之疑也  
細問則無不貫  
蓋所思之人不來  
至  
手神魂夢想  
日高猶自不起  
濃娘疊柳而香唇醉可  
謂病極矣  
那得如市南山陌人家則偏幸四時之樂

昌谷集

卷一

重

而家家雷能陸耶也市南曲陌又指別倡而言所以  
狀真珠之貞而不比市南曲陌之淫也當作如是解  
即全首通靈而添  
綠亦百倍生色

李夫人

紫皇宮殿重重開夫人飛入瓊瑤臺二句言綠香

繡帳何時歇猶在青雲無光宮水咽西京雜記

光殿繁華窮武帝悼夫人賦云秋落而孤鸞驚啼商絲發吳苑云罽賓王獲一鸞以鏡

銷人孤鸞驚啼商絲發吳苑云罽賓王獲一鸞以鏡

也即置詞今紅壁闌珊懸珮帶宋玉大招紅壁歌

臺小妓遙相望使人皆著臺上以望西陵墓田玉蟾

墜一作逐一作墮  
晚集作驚  
作條  
紅英華作空

濟水雞人唱（曾）玉蟾刻漏也樂府廣題云露華蘭葉

參差光（曾）明旦早起復無所

姚辱菴以奉禮鬼才而此曲平實鋪叙毫無逸

艷之致且李夫人事屬惚恍本傳已載之詳矣即

漢武是耶非耶四字已立之極後人縱爲之不能

勝也漢武明知死者不可復生而不能當其思念

之苦姑妄聽少翁爲之耶長吉解人忽而作擔板

漢語不可解也初帝深嬖李夫人死後常思夢之

帝貌頗類嬪御不寧詔李少君與之語曰朕思李

夫人其可得乎少君曰可遙見不可同帷帳方士

言人人殊蓋多不響獨此二語自是真語不誑又

言暗海有潛英之石其色青輕如毛羽寒盛則不

溫暑盛則不冷刻爲人像神悟不異真人帝曰此

石像可得否少君曰願得移徙巨力千人能浮水

登木皆使明于道術齋不歸或託形假死移反

年方還昔之去人武昇雲不歸或託形假死移反

辭劍言能飛  
去也

者四五人得此石即命工人刻作夫人置于輕紗  
帳宛若生時帝大悅問少君可得近乎曰譬如中  
宵忽夢而盡可得近觀乎帝乃從其諫乃使舊此  
石服之不復思夢乃築靈夢臺歲時祀之觀此則  
知君臣皆與游戲操弄而長吉哀之悼之誅之亦  
大夢不醒已

走馬引

古今能云楊里牧恭為父報怨殺人匿  
山中有天馬跡也逃入沂澤援琴為走馬  
引

我有辭鄉劍玉鋒堪截雲

劍玉鋒言白截雲言利莊  
子說劍上決浮雲梁武詩

龍門紫金鞍翠毛白玉馬  
昭耀雙闕下知是襄陽兒襄陽走馬客意氣自生春

姚襄陽開銅蹄梁武西下所製也在雍鐘童謠云襄

陽白銅蹄反縛楊州兒謂金蹄馬也及義師之興實

以鐵騎揚州之士皆而縛果如謠言故即位之後更  
造新聲又令沈約為三曲內有生長宛水上從事襄

陸本也。在字並作光。  
 謂楚劍也。史記趙良  
 曰：及聽之，謂勝內視  
 之，謂明自勝之，謂強  
 若照身，謂佩而不用  
 也。此下第防觀發  
 端，非劍三字可見。

陽城一胡遇神武奮翼起先鳴。又蹀躞飛騰起屋石。  
 自生光。男兒得富貴，何必在歸鄉。則襄陽走馬之客，  
 自俠烈。朝嫌劍花淨，暮嫌劍花冷。霜刃未曾試，意  
 之流也。能持劍向人，不解持劍身。言既解持劍，以殺  
 人，恨  
 言必能也。姚則勿以爲劍之未試而嘆。襄陽見之無  
 用也。

○ 湘妃 姚陳心叔名疑云舜二妃一皇娥一女英

皇爲后英爲妃一作黃英一作楚詞湘君湘夫人然  
 禮記又云三妃未之從也。大戴禮舜娶堯女  
 鳳氏爲三路人三妃登北氏生女二人庶滕生子  
 英子二人三妃登北氏生女二人庶滕生子  
 九人尸子云堯徵舜妻以媼媼以娥無女英  
 名豈卽女媼耶。伯謂世遠傳訛極得之  
 筠竹千年老不死。遙哭蒼梧山。至今楚山上。猶有淚

烟梧蒼梧也

陳季陵峰作青楓注曰  
去楓插溪烟望  
早曰注云此作後季陵

瘼斑即長伴秦娥蓋湘水賦云秦晉問謂好為娥度信  
 不死也也蠻娘吟美楚每作滿寒空如娘語瑟瑟滿天九山靜  
 綠淚花紅丘元結九疑圖云九峰相似望而疑之又  
 于南海五水北注于洞庭者元結詩九疑山深幾千  
 重峰谷崎嶇人不到山中舊有仙姥家十里飛泉遶  
 丹竈如今道士三四人茹芝鍊藥學輕身霓裳羽蓋  
 防臨壑飄飄似欲來飛鶴蓋九山靜綠也淚花紅即  
 竹也李白九疑山崩湘水離鸞別鳳烟梧中雜評慶  
 絕竹上之淚乃可滅者巫雲蜀雨遙相通陸游入蜀記上  
 安世善鼓琴為巫雲蜀雨遙相通陸游入蜀記上  
 雙鳳離鸞曲巫雲蜀雨遙相通陸游入蜀記上  
 無也所見八九峰惟神女峰最為纖麗奇峭至新崩  
 灘下十餘里有大巫山記云非惟二峽所無乃當抗  
 峯岷峩偕嶺衡疑則幽愁秋氣上清峰幽然涼夜  
 遙相通之確證也

波間吟古龍

蔣玄扈

拈湘妃蓋有怨而不見之意故曰烟橫

日雲曰雨極得隱天微日淒淒迷迷之狀此深于

騷者

蕭五雲

羅浮二嶽以風雨合離蓬萊五山以波

潮上下故疑者疑也巫者迷也乃信神山類皆若

此忽想到巫蜀一段匪夷所思

南園十三首

花枝草蔓眼中開

姚眼中開三字妙若眼不小白長

紅越女肥

曾杜甫越女天下白

可憐日暮嬌香落嫁與春風不

用媒

吳先輩謂此詩未句新巧姚羅鄰看花詩花開

蜀一斗春色負歸期看山日人皆以看花為樂今看花之後愁思愈多蓋花如越女之肥非用眼停驂則



不見此妙。此以眼故。然不剎那而日暮。而花媽落矣。亦以眼見故。以眼是淨塵。心是緣影故也。若能不見。是見見復不見。則不變。隨緣隨緣不變矣。

其二

宮北田塍曉氣酣。（曾）曉氣黃桑飲露窳宮簾。（曾）雅桑

長腰健婦（姚）伸而稼偷攀折。（丘）畏人將餞吳王八薊

蠶。（吳）吳都鄉貢八蠶之綿六月記云一歲凡八蠶出

（日）南海物異名記云乃八蠶共作一繭今云八繭

未通。  
丘季真 末句略得采葛歌體

其三

竹裏縑絲挑網車。青蟬獨噪日光斜。桃膠迎夏香

陳年佳作係昌谷  
班心像

陸年因作因  
宋本因固字後金本  
校為有身小

珀自課越儂能種瓜  
吳爾雅詩云蟬小青色名蠶音

主保中不  
似琥珀

姚辱菴絲挑桃膠一首二十八字中屢犯叠韻

吾不知其何說

胡天彷彿按昌谷南園在隴西寰宇記云地近隴

山節氣常晚仲夏花木始開不產絲蠶今云竹裏

絲絲豈唐後蠶事始盛耶或此乃奉禮之所以戀

南園者也

其四

三十未有二十餘白日長飢小甲蔬橋頭長老相哀

念因遺戎韜一卷書

姚辱菴圯老之貽兵書以子房之傑耳豈以子

房之飢困哉干理不通二十長飢便見之聲詩乃

吳鈞宗本作橫刀

有終年腹如唐園而惟菜是盛者又當何如惜乎  
早賦白玉無有以畫附種蓋善音之者

其五

男兒何不帶吳鈞會趙曄吳越春秋闔閭令國中作  
以收取關山五十州會左傳載諸侯與廢魯晉諸國  
戲收取關山五十州會左傳載諸侯與廢魯晉諸國  
請君暫上凌烟閣若書生萬戶侯  
交帝云今廣當高祖萬戶侯豈足道哉賀言欲立功  
異域試看凌烟閣會宋有書生封萬戶侯  
釣魚登此時河中蔡州不能恬靖而李晟馬燧渾瑊  
一時稱長將可慕耶

其六

尋章摘句老雕蟲曉月當簾掛玉手不見年年遶海

上。文。章。何。處。哭。秋。風。曉暗此一首而帶吳鉤之意益明矣

其七

長。卿。半。落。悲。空。舍。曼。倩。詼。諧。取。自。容。見。買。若。耶。溪。水。

劍。明。朝。歸。去。事。猿。公。丘悲空舍家徒壁立也取自容曾云抱才而窮不若詼諧者見

容即不然者詼諧自容與悲空舍同舉不應詼諧有

義于半落也蓋二人皆無所用之不如此學劍之有益

一行歐冶子取若耶鏃以鑄劍吳越春秋越有處女

生南林勾踐聘之將見王道逢一翁稱袁公願一試

劍公即挽林杪竹似桔槔末折墮地女接取其半袁

公操其木而刺女女因舉杖擊之公飛上樹化為白

猿而去

劉須溪 耿耿可念其詞其事與託皆妙

其八

春水初生乳燕飛黃蜂小尾撲花歸  
牕含遠色通書幌魚擁香鈎近石磯  
丘此一首詠南園也前數首皆詠居南園之志

劉須溪亦自鮮麗眼前語無苦入手自別

○○其九

泉沙輒卧鴛鴦暖  
曾奕動貌沙泉轉鴛鴦曲岸迴篙

舴艋遲  
曾岸曲則舟行遲瀉酒木蘭椒葉盞  
曾木蘭似蓮可

受辛香也  
丘詩義疏椒如桀更有針刺葉堅而滑濕

蜀人作茶吳人作茗皆煮其葉以為香按神契曰椒  
薑禦濕昔蒲益聰巨病容扶起種菱絲  
曾拾遺記漢

勝延年感喜辟兵也

讓亦本訛環

倒生菱華

如亂絲

○○○其十

邊讓今朝憶蔡邕

邕後漢邊讓博辨能文邕甚敬之宜處高位薦之何進退此長吉必

感憶韓公皇甫之相知而今有參落之感者然假邊蔡以為況也無心裁曲卧春風

丘卧春風南園也無心裁曲則不書字矣舍南有竹堪書字老去溪頭作

釣翁

○○○其十一

長巒谷口倚稽家嵇白晝千峰老翠華自履藤鞋收石

蜜手牽苔絮長蕤花

曾郭璞云山隨長者為巒晉書云稽康鍾人也其先上虞奚姓

鈕有稽山家于其側因而命氏。翠華山色格物論云蜂有二種一黑色房于巖崖入跡不到為崖蜜一名石蜜若繁水苔薺花水葵也。豈即尊耶。曾苦繁既去則薺花自長。

聞再彭。稽康有內負宿心。外惡良朋。即慕嚴鄭樂道閒居。此正長吉之志也。倚稽家非無為而云也。

○○○其十二

松溪黑水新龍卵。吳龍上岸與鹿交或遺精生卵丘曾云松入水則影黑是矣而新龍卵狀光澤也。既黑又光澤自相矛盾龍卵用南越志瑞溪溫蠟遇龍卵穿卵而出。稍長常游波中為蠟捕魚事。蓋言黑水之中是龍卵所桂洞生硝舊馬牙。牙潛也。松入水時龍卵正新耳。硝出本草。誰遺虞卿裁道。輕綃一幅染朝霞。曾虞卿

陸奉遠在遠幅任正

趙王拜爲上卿後辭印與魏齊間行留魏困不得意  
迺著書晉永嘉制絳暈帔道帔是私服丘王敬伯謂  
裴謨曰絳不能駢龍衣霞與仙宮爲侶且腰金拖紫  
廁卿大夫間霞帔是道者服也又李二舅迎盧生星  
冠霞帔。

### 其十三

小樹開朝徑長茸溼夜烟柳花驚雪滿麥雨漲溪田  
古剎疎鍾度遙嵐破月懸沙頭敲石火燒竹焰漁船

地摩菴 古剎疎鍾度作寧馨語撓竹超漁船差  
強然鬼復爲人即不作

云四律此皆各在卷十二者一由同力而風詩思重錄之